

常 識 叢 書  
第 三 十 九 種

歐 戰 小 史

上 卷




上 海 中 華 書 局 印 行

上海图书馆藏书



A541 212 0006 6174B



### 編輯大意

(一)此書既名小史，務求簡明爲鵠的，故行文雖用文言，避典雅而主暢達，以應國人常識之需要。

(二)此次大戰，雖不可謂絕後，實亦空前之慘劇，故其原因，複雜久遠；因此對於戰前史略，加意特詳，以明其遞嬗變遷之跡。

(三)戰後加附錄數頁，關於和約聯盟會議等擇要記載之，以便參考。

(四)人名地名，均註原文於頁首，惟如『歐洲』『英國』等盡人知悉者似無加註之必要，故略之。



叢書

# 歐戰小史上卷目次

## 第一編 大戰前史

頁數

第一章 歐洲之武裝和平……………一

第一節 二十世紀開幕前後之歐洲列強大勢……………一

第二節 俾士麥之戰後外交……………七

第三節 德奧同盟……………九

第四節 三國同盟……………一〇

第五節 俄法同盟……………一二

第六節 德國之霸主政策……………一四

第七節 英法及英俄協商之成立……………一八

第二章 兩大國際系統之衝突……………二〇

次

目

~~123329~~ ~~133329~~

第一節	摩洛哥問題……………	二〇
第二節	柏林會議後之形勢……………	二七
第三節	俄奧兩國關於巴爾幹之協調……………	四一
第四節	土耳其革命……………	四六
第五節	波黑二州之併合……………	五一
第二章	世界戰爭之最近原因……………	五四
第一節	大塞爾維亞運動及大斯拉夫運動……………	五四
第二節	意土戰爭……………	五七
第三節	第一巴爾幹戰役……………	六四
第四節	第二巴爾幹戰役及其結果……………	七二
第五節	列國軍備之擴張……………	七六

	第六節	平和運動之失敗……………	八一
	第七節	世界戰爭之前夕……………	八六
	第二編	大戰史上	
	第四章	大戰之初期……………	八九
	第一節	德俄兩國大陸政策之決鬪……………	八九
	第二節	英德爭霸戰之實現……………	九四
	第三節	德軍侵法……………	一〇〇
	第四節	意國中立及參戰……………	一〇二
	第五節	英國之陸軍編制……………	一〇五
	第五章	俄軍之失敗……………	一〇七
	第一節	俄軍在東普魯士及加里西亞之失敗……………	一〇七

第二節	波蘭之敗亡……………	一〇九
第六章	德國世界政策之顛覆……………	一一一
第一節	日本之參戰……………	一一一
第二節	德國殖民地之末運……………	一一四
第七章	德國大中歐主義之實現……………	一一五
第一節	關於作戰東西部論者之爭……………	一一五
第二節	土耳其之中立及其宣戰……………	一一八
第三節	土耳其與德意志之企圖……………	一二二
第四節	聯軍進逼達達尼爾……………	一二八
第五節	布加利亞及希臘之向背……………	一三三
第六節	羅美尼亞之舉兵及其敗北……………	一三六



叢書 常識  
歐戰小史 上卷

第一編 大戰前史

第一章 歐洲之武裝和平

第一節 二十世紀開幕前後之歐洲列强大勢

西歐列強領土之野心，自新世界發見海運大開以來，向日所爭奪於歐洲一方者，轉而向海外發展其殖民地矣。十九世紀末，英國得最後之勝利，執海上牛耳，於是時，世界之有色人種，大半凋衰，即於沒落之慘運。勝利者之歐族人民，覩外敵之悉爲奴隸而無抵抗之能力也，於是二十世紀初，列強間之利害衝突復起，大戰之來，蓋早爲識者所預料者矣。

列強之得新殖民地也，因風土人情之不同，其移民之計劃鮮有成功者；其最大之奏效爲原料生產物之吸收、及工業生產品之暢銷、以助成列強資本的帝國主義耳！內中如南非及中非之橡木林，東印度之香料，加拿大之毛皮，南非之金及金剛石，摩洛哥（Morocco）之銅，波斯墨西哥之石油，均爲文明國高等工業之必需品焉。

一八一五年之際，歐洲大強國僅英奧法普俄五大國耳。降至十九世紀末期，經德意志大帝國之勃興、意大利王國之統一後，歐洲國際問題紛糾複雜，益滋紛擾。在非洲有埃及及摩洛哥諸問題，在亞洲有波斯土耳其其中中國諸問題。細考歐洲六大強國中，僅奧國對外爲無殖民地之國家；惟奧國內匈牙利等民族，

素來同牀異夢，與現代之民族主義相矛盾，禍端潛伏，終有爆發之一日。加以巴爾幹 (Balkan) 諸基督教國民，爲澎脹的功名心所驅，日思吞滅土耳其而爲己有。其外更有亞爾薩斯 (Alsace) 洛林 (Lorraine) 問題、達達尼爾 (Dardanelles) 海峽問題，處處有決裂之可能。列強處於此不安定之平和之下，汲汲擴張其軍備，以備萬一；他方面又運用其外交之手腕，以制勝於折衝爭俎之間，於是軍國主義及均勢政策，遂爲時代之產兒矣。

憶十八世紀之時，各國之陸軍，大體以傭兵組織之，民籍既不統一，赴戰視爲一種職業，無道德的情操與夫主義之可言。降至十九世紀之初年，普國實行舉國皆兵制，經三大戰役連

勝之後，歐洲鄰邦相率效尤，改良編制，注重訓練，給與新式武器，如法俄意奧諸邦，均先後繼普而興，即英國素以海軍國著名者，亦於一八七一年大加改革，縮短服役期間，增加豫備之兵數。至一九一四年，世界大戰勃興之時，歐洲六大強國擁有五百萬衆之陸海軍，每年歲出三億六千萬鎊，占全歲入十分之三，其負擔可謂重矣。

各國軍費之澎脹，不獨大規模之國民的軍隊爲發展上所必需；海軍方面，亦以世界政策上保護母國及殖民地利益所要求之故，日事伸張。十九世紀之後半期，列強海軍之順序，爲英法俄意德美。二十世紀開幕時，德美兩國競進之度極速，於是競爭更烈，戰禍殆不遠矣。此乃列強軍國主義之大概也：

列強之所以汲汲於擴張軍備者，不外乎求平和之維持而已；然在現在國際政局現狀之下，和平之完全實現，要不外於下列三途：一強大國征服他國之後，一途也；國際離合之際，保持一種勢力之均衡，二途也；國際平和聯盟成立奏效之時，三途也。惟自有國際的生活以來，弱肉強食，久成支配歷史之法則，雄長一時之國家，大概有稱霸天下之雄心。斯時其他列邦，必合縱以禦之，養成均衡之勢，以挫野心國之企圖，徵諸歷史，比比皆是；歐洲二十世紀之開幕，亦處此狀態之下也。

憶自羅馬帝國——世界的大帝國——建設之思想，與教會之統一思想衝突以來，教政二權，互相雄長，爭奪無已。諸民族乘勢活動，開始解放，而均勢思想，於是發展。爾後羅馬雖

衰，大帝國統一之思想，未嘗消滅；或逞武威，或以政略，以貫徹其統一之精神。如斐列勃二世（Phillip II），路易十四（Louis 14），拿破崙一世，前仆後繼，接踵而起，然悉爲列強之合縱的均勢政策所破，帝主雄圖，遂成泡影矣。

強大國間既維持其均勢矣。其間弱小諸邦，或爲大國之緩衝地帶，保持其獨立；或亦互相團結，以抗大國共同之脅威。如此利害相反之列國之國際均勢關係，雖一時破壞，不久新均勢即實現，毀滅創造之間，平和乃賴以維持。

均勢之精神，在消極方面亦頗活動，如一強國新得一利權，其他之強國，亦必努力於均霑以償之。惟均勢政策交易之中心，則隨時代而異。一八七〇年以前，歐洲大陸，常以巴黎爲

中心點；自普法戰爭以後，柏林一躍而爲歐洲大陸之重心點矣。

## 第二節 德相俾士麥之戰後外交

自德法戰役以後，德相俾士麥極力運用其外交手腕，維持國際間之平和，博其他列強之信用；一方面整刷內治，鞏固國防，以示國力之不可侮。德屬聯邦，皆以普魯士軍隊爲模範，設後備兵，整頓軍制；同時對於東方之強國，取親和的態度。惟奧國方面，其德系人民，對於德意志之勃興，頗懷好感；其他貴族法王黨非德系人民，均抱嫉妬憎惡之感情。俄國方面，除少數之貴族，及上流社會國民之大多數，均疑魯普士有侵略

波羅的海 (Baltic Sea) 之野心。俾士麥 (Bismark) 遂於柏林

舉行德俄奧三帝面會，以謀感情之融洽。（一八七二年九月）其主要目的爲維持現狀，鎮壓革命，且正式承認以前所訂之帕來克（Prague）及佛朗克佛（Frankfort）和約焉。翌年、意大利王親訪柏林，亦俾公之策也。

法國方面，視三帝同盟，猶昔日之神聖同盟也。於是力圖擴張軍備，復讐之聲，洋溢全國。買入馬匹，加增聯隊之兵員。俄帝亞歷山大二世與其臣戈羅却苛富，曾於赴愛姆斯旅次，逼留柏林三日，專任調停之事。法國新聞，主戰論調，漸歸沈默。

當柏林列國會議開會之際，俾士麥表面上雖以正直之調和者地位自居，實際上對於俄國方面所豫期之援助，大使其失望



。一時俄國報章，羣集其論調以責德之忘恩負義，於是俄德間之感情日漓矣。

俾士麥氏對於法之復讐，警戒未嘗少怠，然滿城風雨，幾有一觸即發之勢。法國人士之敵愾心，憤激異常，日伺機會而思逞；會德俄親交，因亞歷山大二世悲劇的隕命後，受有力之斯拉夫統一運動盛行之影響，屢有決裂之虞。一方面俄法反漸漸表示接近矣。

### 第三節 德奧同盟

俄奧兩國之結好於德意志也，其目的不外乎巴爾幹政策問題，欲以德爲已助，及得其好意而已；然兩國在巴爾幹之計劃有冰炭不相容之勢，則德之友誼，勢不能周旋於兩利害不同之

國，而有所取捨也明矣。適伯林會議時，俾士麥因巴爾幹問題，袒奧而挫俄，俄德感情乃日益疏遠；奧國方面則因伯林會議之故，表感謝於德，併撤廢帕來克條約第五條之希來斯維希（Schleswig）併合之款。俾士麥遂以此爲絕對好機，於一八七九年八月，與奧相會商於客斯坦恩，締結同盟條約。內容爲兩締盟國中之任何一方，受俄國攻擊之時，雙方協力以對抗之；若兩國中任何一方，受俄以外之敵攻擊之際，他一方對於與國，當守好意的中立；若敵國受俄國之援助時，締盟國之他方，當積極的共同抵禦之。此條約於一八八八年二月公布，直至世界大戰告終之日，持續有效。

#### 第四節 三國同盟

二國同盟後之三年，意大利加入而成三角同盟。夫奧國之主治民族，與德人同其血統，故就文明系統上言之，德奧之同盟，固極其自然而適宜也。至於意大利，從文明系統上觀察之，與法最爲接近；且意大利之統一運動，受奧族之阻力不少，其所以能驅奧族人出半島也，亦惟法人之力是賴。今乃背法而就奧，此中實有不得已之故也。

意建國日淺，財力兵力，俱不足言。政府方面，異議紛紛，莫衷一是。惟於新國最可危懼者，即恐法人之助羅馬法王以恢復僧權之一事。其所以忌法甚於他強國者，因法蘭西與羅馬法王有密切之關係耳。故憚羅馬法王之勢力者，均傾向於排法；而另有一派主張收回割地者，多傾向於排奧；然政府方面，

視後者無前者之重大，故一八七三年後，意大利王先後訪問維也納柏林之兩皇室，以示無他意。苛利斯秘氏亦於一八七七年密訪俾士麥氏，且商德意聯盟之建策也。

一八七八年之柏林會議中，英德兩國，密許法國占領突尼斯（*tunis*）。法之欲得取此地，意欲獨霸北非耳。然此地在意之對岸，意已垂涎非一日矣；今驟爲法取，當然益增其仇法之感，意既覺己之孤獨而無助，不得不棄累世之宿怨，而加入德奧同盟矣。其內容雖甚秘密，然大致不外攻守互助以抵抗法蘭西及同盟以外諸國；以後曾修改四次，直至一九一五年春大戰中，意大利方退出同盟焉。

## 第五節 俄法同盟

自三國同盟成立之後，因列國權力均衡上關係，當然有對等同盟係統之出現，不待智者而明。斯時法國因俾士麥政策之成功，致陷於孤立之地位，環顧全歐，堪以與之握手聯盟者，除英國外，惟俄羅斯而已。惟英國素以名譽的孤立自尊，不欲干涉歐洲大陸方面事，且與法爲世仇，故斯時法之唯一可能之與國，僅俄國一國耳。

俄國方面，自三帝同盟失却效力以後，曾與德國單獨訂再保險約一次。至一八九〇年再保險約期滿，德國俾士麥罷政，其嗣王威廉二世，一變昔日之外交政策，毅然拒絕此約之繼續，而德俄國交，乃非以前可比矣。會以俄國財政困難，向日仰給於德之資本家者，自廢約後轉而仰給於法國矣。至一八九一

年，法資之輸入爲四十億法郎，其用途初僅整理國債耳，後乃投資於澎脹政策之西伯利亞鐵道及土耳其斯坦鐵道之經營焉。

財政上之關係，終乃進展至於政治上之握手，且兩國之孤立無援，正處同病相憐之地位。一八九一年七月，法艦隊赴俄訪問，以通和好，俄帝及俄國朝野上下，均表一致之歡迎。其次互相答聘，感情日深。先後訂軍事條約，及通商條約。至一八九三年三月，正式之同盟遂成立，其內容大致爲德或意攻法之時，俄國方面當極力援助之；若德或奧攻俄之時，法亦如之。

#### 第六節 德意志之霸主政策

德意志在俾士麥執政時代，初無殖民地侵略之野心，其一

生精力，僅貫徹其小德意志主義而已。迨俾氏退職後，朝野主張與國民心理，一改昔日保守的態度而取攻勢的態度，遂一躍而爲世界的帝國，以雄飛全球，角逐列強矣。

當時學者方面，鼓吹軍國澎脹主義者亦不少：如柏林之雷遜 (Lasson) 教授，曾有各民族個性的形式之文化，互相衝突而進化，故吾德因文化之故，負有不得不與他國交戰之使命之說；歷史家冷勃來希脫 (Lamprecht)，有德民族先天的優秀之理由，可以證之於歷史上過程之說；其他又有一派人種論者，主張德意志民族爲世界最優秀之人種，現代文明之所以發展，惟德人之偉大天才是賴。適此時德皇威廉二世，利用全國心理，大試其霸主政策。綜其所採之政策，可分爲世界政策及中歐

政策焉。

德意志之世界政策，以振興海運，得海外之殖民根據地，而建其基礎。在平時產業競爭，本已不落他人之後；惟軍備方面，陸軍固足稱雄，海軍素不注意，欲增進國際的地位，非鞏固海上權力不可。於是於一八九八年提出艦隊法於議會，同時設立海軍協會（Flottenverein），以期積極擴張。素乏海洋本能之德民族，一改其本來面目，海軍熱臻於極端，至一九〇五年，已一躍而爲世界第二位之海軍國矣。

素以海上王國自命之英國，對此勁敵，日夜不安，屢次提出建艦休止及減少海軍費之案，以與德人交涉，然終不能達到目的。蓋德人之野心，非增加其海軍勢力，匹敵英國不止也。



且德國斯時，一方面銳意擴張其海軍，更乘機奪取海外根據地，以樹世界政策之基礎。一八九八年強借我膠州灣，以爲極東之軍港；明年向西班牙買收加路陵（Carolina）羣島，後又割取薩摩阿（Samoas）之大部分。於是德國世界政策，已有蒸蒸日上之勢矣。

德國於實行世界政策以前，務先貫澈其中歐渾一之大中歐政策。其目的係將歐洲大陸之政治上經濟上一切權力，均直接或間接受彼支配，如此，自與大斯拉夫主義之俄羅斯利害背馳，處處有衝突之可能。蓋俄國亦素以歐陸爲其活動舞臺，臥榻之旁，豈容他人鼾睡？而大日耳曼主義，非僅欲分割一席地也，直欲取而代之，此大戰之所以不能免也。

德國實行此種政策，第一步求國內異民族之同化於己國文化之下，漸謀其政治上經濟上之統一；其次與南鄰奧國結盟，互相提攜，以達其目的。故對巴爾幹諸小國與土耳其希臘等，日謀所以誘致之策，以冀爲彼之助。而遞嬗變化，歐洲大戰役於以興焉。

### 第七節 英法及英俄協商之成立

英倫三島，孤立大西洋中，守其名譽的中立，以覘時變者久矣。一八八〇年以後，德國世界政策之發展，海軍之振興，在在與英國以莫大之刺激，於是英國不得不謀所以抵制之。環顧大陸，惟法國與德世仇，遂有聯之以抗德之心。在法國方面，亦以俄國方有事於遠東，一旦與德開釁，俄國實不足恃，於

是亦有聯英之意。故雖兩國間感情並不佳，英王愛德華七世，遂棄小怨而毅然與法結協約焉。時一九〇三年也。

英俄兩國，對近東與遠東二問題，利害冰炭已久，然自日本戰勝強俄以來，俄已無力與英角逐，於是一變昔日之方針。外交方面，日見親近，卒於一九〇七年八月三十一日，訂十五條協商條約，以解決關於阿富汗斯坦（Afghanistan）波斯西藏方面之紛爭焉。

英法英俄之協商，以俄法同盟爲中心，而成所謂三國協商者，隱然與三國同盟相持，成爲二大系統之國際關係。外交軍事，迭相雄長，終造成此次大戰。縱橫之策，遂與我國戰國時代相髣髴焉。

## 第二章 兩大國際系統之衝突

### 第一節 摩洛哥問題

二國同盟對三國同盟之勢力均衡，歐洲平和，賴以維持於不敗，迨日俄戰於極東，英法兩國，懼戰禍之波及也，因棄舊怨而結真摯協商，而日俄戰爭，固實爲促進三國協商之動機也。二國同盟之一角——俄國——之敗北，使法國陷於無能之地位。三國同盟既呈有利之勢，則貪慾無厭之德國，自必縱橫其間，肆無忌憚，而兩大國際系統之爭鬪，亦即因之而發動矣。

德國欲併吞之最重要地有二：一爲非洲西北部，濱地中海與太平洋之摩洛哥。該處地域甚廣，氣候溫和，土地肥沃，且富於礦產。德國欲於此地乘法國之虛，若幸而得，則以之爲世

界政策之一基本地，至少亦可抵抗新生之眞摯協商；其二爲制俄國，蓋俄國敗於日本，又不得不從事於近東，德國先發制之，可以助二元帝國南進，而圖大中歐政策之開展故也。

### 一 問題之摩洛哥

十七世紀後半期以來，摩洛哥現在王朝，始立基於回教民族之上，此國無現代的意義之統一，不過認政教上君主蘇丹爲國王，國民對之效忠而已。未歸順之部落，所在多有。

於摩洛哥之向背最有利害關係者，英法及西班牙三國也。十八世紀以來，英國已領有直布羅陀海峽 (Gibraltar)，自不容其對岸之入於他強國勢力圈內。法西二國，則與摩洛哥接壤，其利害關係更大。法國於防止摩洛哥蕃族侵其領土外，尙有

擴張其北非洲殖民帝國至大西洋沿岸之意。故摩洛哥問題，自十九世紀即爲三國間之問題。英國常援摩洛哥之酋長，反對法西兩國之獨占，一八八〇年英西結約以制法，後至一九〇四年英法協商時，摩洛哥之形勢仍無變動。

法國先與英國談判，使英國承認法國在摩洛哥之地位；更於同年十月與西班牙交涉，使其同意於四月八日之協商；又與之結密約，以摩洛哥北岸一帶爲西班牙之勢力範圍；並要求西班牙結誓不讓與英法二國以外第三國之約。代爾客賽外相之外交，着着成功，使沿地中海之四國，關於摩洛哥問題，盡皆滿足。然而真摯協商所認定關於埃及及摩洛哥之宣言，全屬對等者，而兩地實際上之地位則不然。故若四國以外之他國，對摩

洛哥處分問題，提出抗議時，法國或有非仰英國助力不可之事。而協商未明記關於摩洛哥問題英國助力字樣，此實爲德國欲乘之缺點。德國見摩洛哥將爲突尼斯（Tunis）化，故別樹一國際化之旗幟，以抗爭之。

摩洛哥問題，德國本無關痛癢。一八八〇年馬得里（Madrid）之會議，俾士麥派全權委員出席，其心雖不忘非愛利之植民政策，然毫無阻止之意。至一九〇三年德國於摩洛哥之利害關係，較之英法西三國，有天淵之別。在留德人僅百三十五人，商家十二戶，一年之貿易額爲數甚少。英法協商時，德國當局者，已公言對於該協商，毫無異議，後爲其國一部之澎脹論者所動，不期年而反覆。一九〇五年春，俄軍敗北時，威廉二

世卽風馳電掣，率兵於唐求愛爾（Tangiers）上陸，聲明摩洛哥之國際化，宣布其酋長爲獨立君主。

## 二 阿合西勒會議

德國抗議，謂解決摩洛哥問題，不可置有利害關係之強國，德國不與商議，須開國際會議以討論之。法國之同盟國對此威嚇，皆樂助法國，俄國及地中海三國是也。故一切形勢，皆視法國態度而定。代爾客賽主張硬論，爲閣議否決，遂辭職。是年七月，德法協定，約一九〇六年在西班牙之阿合西勒（Algesiras）開會解決之。

及會期，俄因有前年以來繼續之革命，法有改變，並有使德國要求增強之概。會議時日約八旬餘，而締結之條約，則非



如德之所期者。條約爲：（一）酋長之主權及獨立；（二）其領土之保全；（三）經濟上之自由是也。又公認法國之特殊地位，則德欲使摩洛哥爲國際化，亦可謂不能達其目的矣。德國此次之無理態度，使互相反噬之兩大國際系統之分野，更加瞭然。法國始終得英國之助力。意大利亦對法表同情。助德國者，僅其與奧國一國而已。

### 三 阿加第爾港事件

摩洛哥之混亂，已達無政府狀態，及德之新勢力加入，更爲火上添油，日熾一日，故經濟上凌駕英國之法國，乘摩洛哥土人排斥運動猛烈之秋，反多干涉其內政之機會。察法國之實意，以爲若摩洛哥之動亂不已，波及其領地阿爾及利亞（Algeria）。

ria)時，則彼可以乘機取軍事行動，收摩洛哥於保護之下，以早決定法國之地位。其實苟欲保護在摩各國之商業上利益，使機會均等，則非先使其動亂如麻之秩序恢復原狀不可；欲恢復秩序，則非有特定強國負責，而其他列強，暫時放棄不可。德之強與此事，是使問題擴大而難於收拾之一大原因。一九〇九年二月，德法協調，認法國對摩洛哥有政治上之利益，然亦不過一時彌縫而已。二年後摩洛哥之內亂更甚，法國乃派兵援其酋長，不料德國於一九一一年七月，突派一砲艦至阿加第爾（Agadir）港，威嚇法國。考德之此種果敢行爲，與其國之進取黨意見符合，意欲乘機占領摩洛哥大西洋之一部，觀其向法所提條件即知。幸英國表示強硬，極力援法，故德亦不敢十分相

逼。十一月約成，法割其領地剛果之二大地與德，德亦承認法國在摩洛哥之自由行動權。約七年之久，脅迫歐洲平和之摩洛哥問題，至是乃告一段落。而脅迫歐洲平和之又一局面向在，即巴爾幹問題是也。

## 第二節 柏林會議後之形勢

十九世紀歐洲民族運動之最初者，實爲巴爾幹之南端。列國於該方面之利害關係，頗爲複雜，故其運動因之不能無所阻滯。柏林公會以大英斷，由土耳其其解放民族頗多；然其殘餘問題，亦不爲少：中歐三大帝國內之民族運動，姑置勿論；東歐之民族運動，雖大致解決，然新月帝國內仍潛伏有不少民族的爭鬪因子，待時而動也。

公會尊重民意，由土耳其解放數多地方；未解放者，則於條約內規定，由公會督勵土耳其使行必要之改革，以掃除基督敎民之苦難。而君士坦丁政府固執國憲，絕不使基督徒與回教徒享同等之權利，毫無刷新之誠意；且列國之行動，又不一致，故不平民族之不平益增，而尤以阿美尼亞（Armenia）人爲最。

阿美尼亞人爲小亞細亞一小島之基督敎民，孤立於回教徒之大洋中。其民族自主的要求，素稱熾烈，而有不能貫徹其宿志之原因：其民族爲俄土波斯三國所分割，一也。欲謀完全之統一，非待三國之滅亡不可，其情形幾與波蘭同。以波蘭之統一及獨立，非待中歐三大帝國之滅亡不可故也。其民族屬土耳其

其者最多，而土耳其殘虐無道，實行殺虐者數回，人數因之大減，連絡因之斷絕，小亞細亞之故鄉，已變爲各種民族之雜居地，二也。再列強之政策各異，如英國欲解放之以爲對北方冰海之屏藩，而俄國則不欲其爲第二布加利亞 (Bulgaria)，故百計妨害之，三也。土耳其以殘虐政策對待，純爲其以前慣用之剿滅政策。格蘭斯頓 (Gladstone) 雖力說阿美尼亞之慘狀，欲以促列國之同情，然不能奏效。阿美尼亞人不堪其虐，遂作亂，殊不知此種動亂不唯不能引起列國之同情，反與土耳其以虐殺之口實也。

回教發祥地之阿刺伯之民族中，較土耳其族文化稍進步者，爲阿刺伯人。科學文學藝術等，雖不如中古之盛，而言語仍

通行於阿刺伯半島以外。其民族不唯地理上無統一，即政治經濟信仰等，亦不一致。於多數回教信徒內，亦有基督教信徒。土耳其之支配權，亦最不確實。然不統一之阿刺伯族，對土耳其之政治，亦無趣味，無同情。故若此民族能涵養其民族意識，或利用機會，固其政治之中心，則或可有完成一組織的勢力之可能性。考麥加 (Mecca) 之 Sh eriff，七百年來管理回教聖地，則此組織之中心人物，其唯其子孫乎。

土耳其之鄰接民族，欲謀完成統一者，以東羅馬尼亞 (Balkan stern Roumelia) 馬其頓 (Macedonia) 爲最甚。此外依柏林條約得自由之諸國中，有欲收二元帝國內之同民族而謀統一者亦不少。柏林公會割土耳其二州與奧國，則二元帝國南進之勢，與

塞爾維亞 (Serbia) 民族運動之衝突，自不能免。試述之：

一 柏林公會後東方之列強

奧國自意德兩國統一完成後，中原逐鹿之夢已醒，又無追隨列強植民政策之野心，發展之途，遂只能限於東南一隅矣。蓋奧國經濟力尙未十分發達，除向南鄰小國發展外，別無他地，以經濟上之進路，爲工業國之德國及意國瑞士等所阻撓故也。奧國實爲德國理想中之「大中歐」係統內一基石。其東南發展策，正合德意，故德國頗願助之。歐洲大戰，實由此東南發展策而釀成者也。

二元帝國向東南進路有二：一爲欲延長亞得利亞海 (Adriatic Sea) 之海岸線，使國基鞏固；一爲向其所擬之第二海口愛

琴海 (Aegean Sea) 開道。此地有維爾達爾 (Vardar) 河沃野，益啟其南下之心。故彼頗有由土耳其之諾威巴薩 (Novi azar) (由柏林條約所得) 敷設至薩洛尼加 (Salonica) 鐵道之意。蓋欲與其統治下的波斯尼亞 (Bosnia) 黑斯哥維那 (Herzegovina) 之鐵道相連故也。此道程上有塞爾維亞及俄國阻塞其中，而擴延亞得利亞海岸線，亦爲對岸意大利所嫉視。總之：無論二元帝國向何方發展，勢不得不與俄國爭奪巴爾幹諸小國。故德奧不得不於諸小國竭力扶殖其勢力，以對俄國。

意國與奧國相結合，實爲俗權恢復運動，及鞏固羅馬政府之地步起見，故於未收回地回收運動，非暫時隱忍不可，蓋與提攜政策不兩立故也。意國因日耳曼二強國及英國之後援，從



事其紅海政策，而對於土耳其之領地，亦頗有野心。一八八七年二月與英奧二國協定，承認英國於埃及之利益，而主張意國於北非洲卽的黎波里（Tripoli）啟來依加（Cyrenaica）有特權。十年後，與奧交涉阿爾巴尼亞（Albania）約，若土耳其不能維持亞得利亞現狀時，卽以阿爾巴尼亞爲自治地域等，皆此意也。一九〇〇年末，關於阿爾巴尼亞兩國之正式協商締結。

英國於地中海方面初常助意國而制法國。柏林公會後，其對土耳其政策，已非如前之取保全主義矣。蓋俄國之侵略稍弛，則無倡保全主義之必要，實則土爾其之分割，英啟其端，蓋英國先後得啟潑羅斯（Cyprus）及埃及，勢足以敵俄國而有餘故也。但富亞匈特（Fashoda）事件以前，英國於東方，概與

三國同盟同情，而與二國同盟背馳。

法國於地中海，不外忌刻他海國之出現，保護突尼斯而招意之怨，棄埃及而得摩洛哥，又專事西利亞之經略等，皆不外爲鞏固其海的地位之計；在巴爾幹，則極力援與國之俄羅斯。

十九世紀，俄國前後四回侵略巴爾幹，而未成功。巴爾幹之小民族，未獨立以前，則對俄國頗懷好感，及獨立既成，則反惡之；公會後俄國於巴爾幹頗受毀謗，即借俄力之布加利亞（Bulgaria）亦思脫離其干涉。

## 二 布加利亞併合東羅馬尼亞

柏林條約，實乃一時姑息之協定，不能貫徹巴爾幹基督民族之要求，因之協定後僅七年，而問題起矣。新設東羅馬尼亞

國之編制，本定爲歐洲委員與土耳其政府協議處置；不料委員懶於奔走，故反爲俄國所乘。俄國爲布加利亞之建國者，欲乘機併東羅馬尼亞，故於東羅馬尼亞施行與布加利亞全同之行政組織。俄國以布加利亞爲保護國，且爲其巴爾幹政策之中心，以皇后之姪君臨之。其國之文武要職，盡任俄人，一切制令，悉仰於俄，世稱第二之三帝同盟條約。一八八一年六月，俄國承認奧國併合波黑二洲，而奧德二國，承認其併合東羅馬尼亞者是也。然而布加利亞之民族精神，頗有獨立之氣概；初雖依俄，後漸惡之，欲依奧英二國而完成其獨立，卽國公亦爲此種潮流所動，不欲長爲俄之傀儡。一八八五年九月，使東羅馬尼亞之布加利亞人，行緊急決議，與北鄰同胞併合。俄國不唯不

承認其併合，且將國公放逐。一年後，布加利亞由奧國陸軍迎堪婆羅克公爲王。

布加利亞之併合行爲，外觀上實與柏林條約相反，且關係重大之俄國，不贊此舉。故畏俄威之列強，亦不敢同意，然無論如何，亦不能使布加利亞人取消此既成事實。比鄰列國，見布加利亞之澎脹，懼失巴爾幹各國之均勢，頗嫉之，而以塞爾維亞爲最。蓋塞爾維亞一懼土耳其領內之基督教民，爲此新勢力收吸而阻其澎脹企圖；又懼布國塞其東方之進路，與向馬其頓方面之發展，因對布國宣戰，不幸戰敗，遂亦承認之。

### 三 希臘之克利地併合運動

希臘欲併合之地爲克利地 (Crete) 島。該島爲四千年前愛

琴海文明之中心，且爲希臘民族居住地，十七世紀歸土耳其領後，回教徒亦遷入雜處。然島民四分之三，仍爲希臘人。島人見北方之同胞獨立，亦頗有與之併合之想。在地中海占大勢力之英國，懼希臘成大海國後，再與英之競爭者結合而擴張其勢力於東地中海也，故頗不欲其併合。一八六八年土耳其於克利地島頒布新法，佯示其對基督民族之誠意，以誑列強。一八七七年一八七八年，戰亂勃發，島民以爲統一民族之絕好機會，效羅馬尼亞伐土耳其以圖成功，列強恐戰亂之擴大，止之。柏林公會時，希臘要求頗激烈，法國助之。列強以其要求過大，不許。希臘之不平益甚，但苦無發洩處耳。一八八六年春，希臘再起，欲貫其初志，法國又助之。列強不欲事之擴大也，脅

之以封鎖政策，解其武裝。克利地島民又因之絕望。後三年又亂，土耳其見柏林條約擔保之六大國，無干涉之意，乃以暴壓政策，沒收島民之既得特權，於是希臘民族，內外反抗，動亂幾有不可收拾之概。一八九七年三月，列強乃定克利地自治案。希臘人見土耳其之無誠意，及列強之不澈底，遂舉兵伐土耳其，不幸戰敗，遂割地納款以求和。一八九七年，希臘一王子就克利地總督任後，尙屢示併合之意，列強終不許之。

#### 四 馬其頓問題

馬其頓地肥人密，宛然一小巴爾幹。五方雜處，故其人種言語宗教等，十分複雜；昔屬東羅馬帝國，先後爲布國及塞國所征服，終歸土耳其領有。且其住民之身分地位，皆定於人工

的或偶然的，故其歷史的關係，與夫政治上及宗教上之事實，皆足引起鄰近國家之覬覦。歐羅巴土耳其之民族，在馬其頓無相當之數，其中以鄰國之布加利亞希臘及塞爾維亞三民族爲最優勢，故三國皆有侵略之之野心；即與馬其頓隔絕之羅馬尼亞，亦乘馬其頓內之同民族之紛擾，以爲奇貨可居，欲於布加利亞境，侵占其領土，而野心最大者爲俄國。俄國欲於自己保護下，創設包有馬其頓之大布加利亞，然此舉不唯羅馬尼亞塞爾維亞及希臘反對，即英奧二國亦所不喜，故大布加利亞領域縮小三分之一。柏林公會後，巴爾幹諸國之反目，助長馬其頓內民族的軋轢，希臘及塞爾維亞人，皆以爲與其受治於布人，寧受治於土耳其人，布人亦以爲與其受治於希臘人，寧受治於蘇

丹 (Sudan)。基督教民間之不和，適與土耳其一絕好收攬民心之機會，惜土耳其政府執迷不悟，仍行其誅求政策而失之也。三國如扶殖其勢力，而其中宣傳最有效力者，莫若布國。該國中古以來，占領馬其頓約四世紀，故利用其所設教會學校等，以文化侵略之，又收容由馬其頓避土耳其暴政之人民而愛撫之。一八八五年塞國及一八九七年希臘先後失敗後，布國之勢力，益凌駕二國矣。

土耳其政府對巴爾幹政局之開展，仍在夢中，又不改其暴政，因之十九世紀以來，馬其頓之民心益離，暴動時見。塞及希臘更加以煽動，欲行分割，布國則思得其全部或大部分，故主張其自治分立。



### 第三節 俄奧二國關於巴爾幹之協調

#### 一 二國於巴爾幹之關係回顧

俄奧二國之於巴爾幹，有衝突亦有提攜。十八世紀土耳其之鋒銳漸替，其領土內之民族，尙無民族的自覺時，兩國連衡而向南發展，此協定至十八世紀末而止。拿破崙亂後，俄國欲再下巴爾幹，而奧國不可，中歐三大帝國一八七二年結約後，俄國欲奧之不阻其南下也，乃與奧結 *Reichstadt* 協商，約以波黑二洲與奧。此協商不久又生破綻，即對抗俄國之日耳曼同盟成立是也。一八八一年六月，因俾士麥之力，組織第二之三帝同盟，相約歐羅巴土耳其之領土，其糾紛更非經三帝之協調不可；再承認波黑二州併合於二元帝國，東羅馬尼亞併合於布

加利亞。該同盟以一八八七年告終，俄國遂與法國同盟。故歐洲仍有二大國際系統之對峙云。

## 二 俄奧兩國協調之生滅

一八九七年五月，俄奧兩國關於巴爾幹問題，決心協調。蓋俄欲行其極東政策，則非減輕巴爾幹方面之負擔不可；且德國亦頗願助長俄之極東政策。二元帝國內有斯拉夫宣傳之風，恐生變故，一八九〇年之末，國內形勢，頗為重大。國民中有以日耳曼同盟，為專為德國之新教徒而犧牲奧國之加特力教徒者，因主張不可不使維也納外交方針離柏林之軌道者甚多。故俄國向維也納政府交涉時，其當局者徇民意而即應諾之。

此協調由俄奧二帝及二國外相，在俄都協議而成者。其約

如下：

(一) 巴爾幹不能維持現狀時，兩國應各去其侵略之野心，更不可更改關於兩海峽已往之條約。

(二) 於上述外，兩國關於巴爾幹結特別條款。

(A) 二元帝國得併合依柏林條約應得之領土的利益。

(B) 於阿爾巴尼亞地方建一獨立公國。

(C) 其他巴爾幹地方，應由巴爾幹諸小國間，均等分割之。關於該分割，兩國當再行協商，分割當準現在之均衡，不可使一公國過大於他國。

(D) 兩國當努力於巴爾幹諸小國之維持，互相和睦，以圖平和的發展。

要之、此密約係表明兩帝國於巴爾幹之勢力範圍，而爲保持其平和起見者。及馬其頓之騷動日甚，俄奧二帝，於一九〇三年十月，會於 *Mirzeteq*，相約（一）令兩國人之民政長官駐馬其頓；（二）令意國士官所帥之國際士官團任秩序之維持強土耳其實行之。日俄戰時，一九〇四年十月，兩國又結相互中立密約。約曰：「締約國中之一國，無挑撥行爲與第三國交戰時，他一國須嚴正中立，但本條約與既成之巴爾幹協定無關」云。

日俄戰後，兩國之協調，大致仍舊，責任大臣，屢往復其間，交換意見。一九〇七年十月，兩國曾對巴爾幹列國發馬其頓改革之意見書。然兩國之結合漸弛，實所不免。俄國自極東敗後，勢非再向巴爾幹發展不可；最初與英接近，協商亞細亞

諸問題，十閱月後，協商馬其頓問題，漸於巴爾幹固其基礎以抗奧國。而破壞十年間之兩國協調者，厥爲奧國之交通政策。巴爾幹富於天然富源，以交通機關不完，舉其交易，委於地中海之海國。柏林條約，定關於鐵道連絡，由二元帝國土耳其塞爾維亞及布加利亞四國會議決定之。故四國一八八三年五月結維也納條約，定各國敷設線路之分擔區域，其幹線爲奧國與東方之間，經塞爾維亞馬其頓至君士坦丁及經塞爾維亞馬其頓至薩洛尼加之二者。然奧國以其第一目標之向薩洛尼加之路，在塞爾維亞領土中，實感不便。故變更路線於其統治下之波黑，然此實匈牙利俄國巴爾幹諸國之所不容者。故躊躇未輕易實行之。

極東役後，俄國困憊已甚，與奧以絕好之機會。野心家之二元帝國新外相 Aehrenthal，一九〇八年一月，公然新設連絡波黑二州至馬其頓之諾威巴薩 (Novibazar) 縱貫鐵道之計畫，求土耳其之許可，不顧以前俄奧之協調，欲乘機取對馬其頓之特殊地位，物議騷然。塞爾維亞亦不取傍觀態度，恃俄之後援，提出橫斷亞得利亞海之鐵道敷設要求。於是土耳其革命黨，慨各國之侵略，起而爲民請命，逼無能之專制政府行大改革矣。

#### 第四節 土耳其革命

##### 一 立憲制度之樹立

西歐之政治思想，久已浸入土耳其。十九世紀之希臘叛亂

，已足證之；當時已有倡言立憲者，以爲欲圖存，則非建設近代的國家不可。其皇帝中亦有抱改革之志者，奈守舊成性，不能挽狂瀾於既倒，故終十九世紀，亦仍其舊。一八九一年，其亡命青年，組織統一進步黨 (Ittihad ve Ferraki)，實卽革命黨也。日俄戰後，頗受俄國革命黨運動之刺激。其黨初以巴黎爲中心，一九〇六年，以薩洛尼加爲中心，宣傳其主義於馬其頓軍隊間。故馬其頓爲民族運動之根據地外，又爲土耳其帝國立憲運動之中心焉。

列強對土耳其之利權熱，有使其革黨實行其主義之傾向。

一九〇八年六月，英俄兩國之當局者，欲許馬其頓以自治；革黨聞之，遂連結有力軍隊，進逼皇帝。而頑固之 Abd-ur-Hamid

亦不得不遵命改革矣。七月廿四日發布新憲法。三十二年前廢止之憲法，又慶重生矣。青年土耳其黨執政，任命委員，改訂一八七六年之憲法。一九〇九年八月，新皇帝勅裁發布，然新憲法於君主大權，大加限制，擴張臣民權利。故土耳其國會形式上之特權，較世界各國有天淵之別。

## 二 新政策所標榜之國民的政策

青年土耳其黨以統一及進步爲標語，故當爲之義務頗多。

土耳其之社會，無一非支離滅裂者，故非平分公私之權利，使得真正之統一不可。人民中分特權階級及農民階級，又分回教徒與非回教徒，故非調和之達其民族平等主義不可。然異種民族，多望分權主義自治主義，若容忍之，則土耳其民族之特權



自不能存。此點乃青年黨所難於解決者也。

青年黨之「進步」理想，欲土耳其之社會，脫却回教之化石的經典，而吸收歐洲文明之精神。由傳統的僧侶手內，解放一切。守舊高僧及無社會理想之回教愚民，皆對改革，極不贊成。故青年黨之萬民平等於法律前之理想，其實行反令回教民與異教民間，增加人種的宗教的軋轢，殊爲憾事。

統一及進步，不過理想而已，概念而已，不能處理現實界之紛糾。青年黨見志不得行，乃思有以除之。遂發見土耳其民族之一大存在。卽土耳其民族中心主義（Ottomanism）是也。土耳其人在歐洲，已五百年，其間上流社會，多與白人結合，概失其本來面目；而殘留小亞細亞之大團體，亦與古人勇敢

Slav之子孫混血，失其真相。其民族有人種學上之存在與否，尙屬疑問，不過青年黨不之究而已，於是一方對於求地方的分化乃至分立之馬其頓阿爾巴尼亞，極力排除赤色之酋長，一方強制公用土耳其語，排斥阿拉伯波斯語；又強土耳其人以外之回教徒學習，欲化全國爲 Ottoman 土耳其。

青年黨於外交，則運動收回利權及澎脹領土。彼等以爲柏林條約所定之自治公國布加利亞，及其後併合之東羅馬尼亞，及二元帝國統治委任下之波黑二州，並一八九三年改正條款所許可自治之克利地島等，依然歸土耳其之宗主權內。因之君士坦丁召集之議會主張，當然可以代表此等地方，以副其領土保全之方針焉。

### 第五節 布加利亞之獨立 二元帝國併合黑波二州

列國自不能默認土耳其之新政策。布加利亞本與土耳其平等，而新政策目之爲外藩，故頗不滿，乃乘土耳其之交通及警察之不備，占領東羅馬尼亞鐵道。奧帝卽位六十年紀念時，維也納朝廷以王者之禮迎布公。布加利亞乃於十月五日宣布獨立改公國爲王國。二日後，以前向土耳其聲明放棄拿維維牌遂爾占領權，而要求併合波斯尼亞黑塞哥維那之二元帝國，亦於二州布告合併。

此等行爲，事前未經柏林條約簽字，及列國之承諾，實屬違法，且破壞在巴爾幹列國之均勢，故多有非難之者。塞國及蒙國，向奧提出抗議，列強中有擬乘機求別種補償，故多謂宜

待列國會議而決之，其實絕對反對布加利亞獨立者，唯土耳其一國。故真正成列強間之問題，則爲併合二州之一點。而二州併合問題，又可謂奧俄二國於巴爾幹之均勢問題。奧國以德國爲後盾，更與布國盟，欲破壞大塞爾維亞運動，而土耳其第一友邦之德國，此時實處困難地位。然德之本意，則頗懼土耳其之新政策將剝奪其在土耳其之既得權也，故甚願奧國挫其傲慢，以減其銳鋒。意國則嫉二元帝國之得大地，因思得他地以爲償。先是奧國以二州併合之意示俄，俄以前有約，（一八七七年一月十五日）不敢反對，不過以開放達達尼爾博斯福魯（Bosphorus）兩海峽，使其軍艦自由出入，要求列國而已。英國不贊成此條件，交涉尙未解決，二州合併已實行矣。俄國對英，

頗懷怨望，蓋一年前曾與之結亞細亞盟約故也。法國則始終助之，於是俄法二國，及意國，異口同聲，要求開國際會議。平素不和之塞爾維亞及蒙的尼哥羅二國，見危機已迫，乃棄舊怨，提攜而對奧，以宣戰威脅之。自一九〇八年秋至翌年春，巴爾幹風雲頗緊。

列強多數若皆主張開國際會議，則問題或可解決。然土耳其鑑於柏林公會之不利，德國亦不欲其盟邦重受危險，故皆不贊成。土耳其向奧國單獨交涉，奧亦困於土耳其之排貨，諾之。德國（一九〇九年三月）主張交換通牒，以代會議。月之下旬，對俄國明示其對塞之後援，結局非邀德國同意不可。孤立之俄國，遂不得已俯允之。塞國又不得不納謝罪狀一紙於維也

納政府。歐洲之戰禍，又暫時潛消。

青年土耳其黨政府，因財政困難，得二元帝國及布加利亞之金錢上助力，故亦承認其要求。

## 第二章 世界戰爭之最近原因

### 第一節 大塞爾維亞運動及大斯拉夫運動

塞爾維亞民族之進路，雖一時爲德皇之政策所阻，然不屈不撓之南斯拉夫族，反因而增加其勢力。彼得格勒 (Petersburg) 外交政策，亦與法俄二國相親近，故其外交軌道，由維也納轉換彼得格勒。故二元帝國內之塞人，大爲動搖。

斯拉夫民族十分複雜，屬奧國之 Sloven 人，西北兩面受意德之壓迫，分割爲多數行政區域，幾忘其爲斯拉夫矣。匈牙利

利王國所屬之苛洛其亞 (Croatia) 地方，有信奉正教，用俄文字之塞人，及信舊教用羅馬字之苛洛其亞人，血族雖同，而信仰各異。波斯尼亞黑塞哥維那地方，崇奉回教之塞人，及苛洛其亞人亦不少。故若欲謀統一，則二元帝國內各民族，當各犧牲其宗教意見。而塞國及蒙的尼格羅，當撤去政治境界，二元帝國內之運動先鋒爲苛洛其亞人及塞人。一九二五年從事解放運動，不屈於奧匈兩政府之壓迫，此風漸浸於司羅文 (Sloven) 人而釀成國際之紛爭，聳動世界之耳目者，厥維塞國內塞人之大飛躍。

塞人憤奧國之併合黑波二州，致失其所謂 Yugo-slav 同胞十分之二。乃創立 Narodna Odbrana 黨，以供其宣傳。此團

體初不過爲私人之結社，後漸立於彼得格勒政府統制下。

十九世紀之汎斯拉夫運動，除俄國之外，其他皆可謂恃俄力而動者。無論對土耳其或對奧國，精神上物質上皆求俄之後援。而與俄國有積怨之波蘭人，雖爲斯拉夫八大支族之一，雅不欲俄之爲世界斯拉夫盟主。故雖有倡東歐以俄爲中心，組織八單位之斯拉夫聯邦者，而不敢將難融洽之波蘭加入，則二國之反感可知也。及俄國敗於極東，有目汎日耳曼將壓倒中歐之斯拉夫者。有 Kamaryn 者，起倡斯拉夫之大同團結。一九〇八年七月，開斯拉夫大會，欲和解波蘭及俄國之雙方有力者。贊成此舉者，亦不少。俄國之立憲民主黨，以爲與波蘭以自由，實可以壓迫德國云。奈二國人之感情太惡，非一朝一夕可以融



洽；且俄首相斯脫賓亦反對助長民族自主之傾向，故和解亦歸於無效。俄政府曾派代表列席於一九〇二年春之大斯拉夫會議。其汎斯拉夫政策，爲煽動西斯拉夫人及南斯拉夫人，使與羅馬尼亞人相呼應，進迫奧匈兩政府，而啟二元帝國分裂之端。Iswolsky 外相，一九〇九年，欲結一大巴爾幹同盟，以窘二元帝國。因之布加利亞及塞爾維亞兩君主，歷訪俄土二都，聯絡感情。然俄相之計畫亦不奏效而罷。二元帝國之最有力後援者，德國也。且俄國戰後之瘡痍未復，不足以令衆，土耳其日益凌替，故諸斯拉夫不若先將積弱之土耳其振興而後，可以徐圖進行也。而對瀕死之土耳其其下一大砭針者，爲意大利。

## 第二節 意土戰爭

## 一 意大利之愛國運動

意大利統一後，外交上失敗重疊，十年後失其如掌上明珠之突尼斯。阿比西尼亞（*Abyssinia*）之遠征，亦未成功。阿多瓦敗績後三年，乘極東之紛糾，向吾國提出三門灣租借，亦被拒絕。其加入日耳曼同盟，實爲對法國積憤而起。然此種輕率之外交，反自陷於困難地位。

意大利以民族之覺醒，而達其統一目的，其國民的詩人，謳歌意大利人種之優越，謂意大利人實乃有爲之人種，其文明又爲共同文明發達所必須者，乃 *Carducci* 氏是也。 *Antonio Fogazzaro* 氏和之，共鼓吹未收回地之回收， *D'Annunzio* 氏更追懷古羅馬之偉大，回想中古意大利諸海國之盛業，勵其國

人，爲新國民的浪漫派之祖。輓近之愛國運動，文人實有以致之。

## 二 意國與的黎波里

歐洲大陸，皆入列強勢力範圍，幾無發展之餘地。意國苟欲拓其領土，捨對岸之非洲末由。其中突尼斯已爲法有，則除炎熱地方的黎波里沙原外，別無他地。

意國自加入日耳曼同盟後，欲防法之攻己也，乃與英奧二國結關於地中海之密約。一八八七年五月四日，與西班牙約，關與北非洲，西班牙政府，不得背馳三國同盟之利益，而私與法國訂約，蓋欲維持地中海現狀也。該密約於一八九一年重訂。

一八九八年，英法關於富亞匈特（Fashoda）事件，各定其於的黎波里背後中部非洲之勢力範圍。羅馬政府大驚，與法國結關於非洲利益之協商後，又關於的黎波里利益，向法西等亦有交涉。及一九〇二年，三國同盟條約更新之際，六月三十日奧國發宣言，謂奧國誓不妨害意國於的黎波里之經營。

二元帝國大拓其領土之一九〇八年，意國之愛國輿論，沸騰已達極點，詈政府外交之無能也，以為將來以戰脅意者，必為其與奧國。大排奧之結果，遂親和於俄。一九〇九年十月，兩君會於 Raconigi 而兩國昔日之交再復。

羅馬政府對於的黎波里之政治上經濟上之根據，日益鞏固，平時競爭之力，亦可謂大矣。土耳其革命後，其青年黨在的

黎波里者，排意甚力，故一九一一年春。有主張遠征者，羅馬政府尚在猶豫未決之間。七月一日，德國於摩洛哥問題，派艦至阿加第爾港，於是遠征刻不容緩矣。（蓋德以前曾設領事館於的黎波里，其經濟的活動頗大。）遂決意出兵，九月對土耳其宣戰，十一月五日，併合的黎波里。

### 三 戰爭與列強之態度

的黎波里形式上雖已爲意大利併合，而其所占領者，實僅海岸地方。內地沙漠地方，有土耳其人率土人強行抵抗，兩軍皆深溝高壘，意軍不敢冒險深入，僅取守勢，欲待敵人自斃。不意戰爭反因之遷延，幾無解決之望。一九一二年春。意軍以聲東擊西之計，派艦至東地中海，占土領十二島以脅之，然土

耳其仍不爲屈。

列強懼因此釀成歐洲全土戰爭，故皆不欲意國之武力，及於巴爾幹本土。其對土耳其之同情及援助，亦爲戰爭遷延之原因。就中德國之地位，頗爲困難，蓋意土二邦皆其友國故也。德國不欲土耳其之強，亦不欲其弱，蓋強則不受命，弱則害其利益故也。然德國見與國之意國不足恃，反有望意軍疲於的黎波里不能爲有力之活動者。

二元帝國見意國經略南方，不暇顧其未回收地，衷心悅之。意政府一染其指於亞得利亞海，則以三國同盟規約第七條抗之，以防戰禍之擴延。然意國之勝利，反使二元帝國內之排意熱增高。

法國雖承認意國於北非洲之企圖及計畫一旦實行，中心亦有不懌。列強中以俄對意最有好感，故獨排衆議，率先承認意國之新領土權。其實欲乘土耳其之國難，攫取破棄海峽條約之機會也。

#### 四 洛烏盛努 (Tausanne) 和約——三國同盟再新

土耳其其見戰局之延長，於己不利，且有阿爾巴尼亞之亂，故急於瑞士與意國議和。一九一二年十月八日，結約於洛烏盛努，割黎波里與意。十有三月之戰局，因此了結。是役意國出兵二十萬，耗國幣四億八千餘萬圓云。

三國同盟之無用，於茲役益彰。意人皆主張廢棄之，德人中亦有排意而親土耳其者。然兩國政府當局者，則以繼續爲有

利，於同盟條約滿期之先，一九一二年十二月五日，匆匆再新。意國政治家意欲乘機親德，以攫取土耳其之新利權。一九一三年秋，意國讓阿達利亞鐵道敷設權與德，而聲明於小亞細亞得其新企業之地，蓋交換行爲也。

### 第三節 第一巴爾幹戰爭

#### 一 巴爾幹同盟成立

柏林公會，解決巴爾幹問題，已閱三十餘載。其間經過布加利亞之膨脹，布塞之戰爭，以及希臘土耳其之戰爭，然皆幸未波及歐洲。巴爾幹同盟，土耳其與俄國屢欲加入而未實現者，蓋歐洲列強，以對土耳其利害關係上，不欲其釀成大亂之源，再與土耳其利害相背馳之巴爾幹列國，亦欠團結之精神故也。



。意土戰爭遷延未決時，巴爾幹列邦，皆以爲此乃解決東方問題最好而最後之機會。布特俄之後援，欲建設大布加利亞，塞思得亞得利亞港，而希臘亦擬擴張其南北境，皆欲以土耳其之魚肉，供伊等之刀俎。而操縱其間者實爲俄國。蓋俄欲以同盟抗奧而固其地位者也。

巴爾幹列國中，陸軍國爲塞布二國，海軍國爲希臘。希臘不加入，則不能牽制土耳其輸送陸軍於小亞細亞；而塞布之提攜，又爲困難問題。一八八六年，二國戰後，感情頗惡，雖有希臘政治家調停其間，然布政府與土耳其接近，融洽頗難。幸土耳其青年黨施行暴政，故二國遂忘舊怨而結好。希臘則有克里地事件，嘗欲與土耳其一戰。

塞國於一九〇八年前，經濟上皆依賴二元帝國。其國唯一之產物「豚」，係經由二元帝國之海港輸出諸外國者，是年與土耳其結約，由薩洛尼加輸出，始脫北隣帝國之束縛，得經濟上之自由。自二州合併危機以來，政治上取親俄主義，一九〇九年與俄結軍事規約，於是大斯拉夫主義，由彼得格勒駐劄之外交官鼓吹，而大塞爾維亞主義，由其當局提倡。

俄之大斯拉夫主義，與德之大中歐策，關於巴爾幹，終不能兩立。二州併合事件時，俄雖受柏林政府之打擊，然仍時與其兩隣大國修好。一九一〇年十二月，兩國君主會議，相約俄不干涉德之巴格達特鐵道，德不預聞波斯政權。未二年，又開會議，如是巴爾幹同盟以成。

塞布希三國之同盟政策，產生急劇之變化，其故有三：（一）三國輿論，最近頗有親善傾向，其知識階級間，且進而實行之；（二）土耳其政府，仍虐殺其異民族，且集兵於亞得利亞堡（Adrianople）；（三）意土戰爭之突發是也。的黎波里之役，三國早有結盟之說。一九一二年春，布皇太子舉行成年禮時，巴爾幹列國皇太子參與之，則已暗示同盟成立矣。

三月十三日，布先與塞結攻守同盟，五月十九日，又與希臘結盟，更以軍事規約補之。八月末，蒙的尼格羅與布締結條約，故除羅馬尼亞外，巴爾幹列國之對土耳其同盟，已完全成立。

## 二 同盟席卷新月帝國

一九一二年初夏，日耳曼同盟兩帝國，已悉巴爾幹列國之陰謀，而不加警戒，蓋有所恃而無恐也。以爲同盟雖大，有德名將 Von der Goltz 率土耳其軍，破之有餘故也。同盟四國同以馬其頓之根本改革迫土耳其，不應。一九一二年十月八日，四國遂以次對土宣戰，率軍攻土，勢如破竹。希臘侵入薩洛尼加，布軍迫君士坦丁附近，交戰僅六週間，土耳其已完全瓦解，巴爾幹之現狀，已完全變更矣。『巴爾幹者，巴爾幹諸民族之巴爾幹也』之民族主義之新天地已開矣。諸民族之解放，可不再煩列強之手矣。列強於此，亦無計可施，終有法國絕對不干涉主義之提議，而奧意諸國自不贊成。

### 三 倫敦會議

大勢已定，若放任之，則同盟軍將入阿爾巴尼亞方面。此時奧國自不能坐視，亞得利亞東岸之形勢變更，必對塞蒙宣戰。如是，則歐洲大戰勃發必矣。此英國外相格雷（Grey）十一月末之所以有六大強國大使在倫敦會議之提議也。十二月三日，土耳其不得已與希臘以外諸國結休戰條約，交戰列國全權，十六日集合倫敦，與列強大使商議。

講和之先決問題，即土耳其割地問題。馬其頓之於巴爾幹列國，阿爾巴尼亞之於列國，對於亞得利亞沿海二大強國，頗有利害關係，故其善後策，非慎重不可。幸土耳其對此兩地並不重視，故割之尚易。巴爾幹問題，已非昔比，列強再不能取姑息手段。要之問題僅在一歐洲土耳其，即不能驅其出歐境，

即當保其疆界；而程度如何，乃爲問題。時歐土之第二大都亞得利亞堡爲布兵所圍，列強強土耳其放棄之，時一九一三年一月二十三日也。此城爲土耳其之歷史上名都，故其愛國者，憤政府之軟弱，反對頗力。先是革命以來，青年黨因政事問題，被逐下野，故欲乘機反對政府者久矣。及割讓亞得利亞堡時，Enver Pasha 爲首領，用果斷政略，奪取政權，反抗同盟軍，故戰端再開，然頹勢已不可挽矣。

強固之土耳其既屈，乃再結休戰條約。故閉會之倫敦會議又再開會，土耳其承認割讓阿爾巴尼亞馬其頓及海上之愛琴諸島。其中與列國利害關係最多者，爲阿爾巴尼亞。蒙國欲於此地擴張其境界，塞國欲求出海之口於該地，希臘欲南部之阿爾

巴尼亞加其領內。若如此，則俄之勢力可及亞得利亞海畔，二元帝國及意國皆反對之。奧國以一八九七年之奧俄協調爲根據，主張建設獨立之阿爾巴尼亞公國。意國亦以當時與維也納當局交換之意見爲基礎，與奧同意。後援塞國之二國同盟及反對塞國之三國同盟，關於阿爾巴尼亞處分問題，互爲對峙。呈四年前二州併合之危機。唯此次危機，與前次稍有不同。卽二元帝國立於守勢地位，英國不援助塞國是，蓋英國亦懼俄國勢力之膨脹故也。同時土耳其煽動阿爾巴尼亞土人之民族運動，而民主主義適用之主張，亦與之以聲援。因之倫敦會議決議不承認蒙塞二國之要求，僅於希臘北境加以民族的改訂，又於六大強國保護之下，建設阿爾巴尼亞公國。

列強將塞國由海口追入內地，勢非於馬其頓方面與以相當之代價不可。希臘於包含薩洛尼加之馬其頓下部之外，并合併克利地及愛琴諸島，布國又加以土耳其之愛琴海岸地帶，及亞得利亞堡與其附近。五月三十日倫敦條約正式簽字，十一月新建之阿爾巴尼亞迎德國威廉親王爲國公。

#### 第四節 第二巴爾幹戰爭及其結果

初塞布之與土耳其戰也，相約戰勝後，布取上馬其頓之大半，塞取其西方，卽北部阿爾巴尼亞海岸。不料阿爾巴尼亞之建國，使二國不能如願相償。塞取得依兩國密約當然歸布之馬其頓方面之地，且反侵害布加利亞。倫敦條約：列強將塞爾維亞之第一戰爭目的之海岸削除，故塞雖得馬其頓少許地方，仍



不滿足，布亦不滿，以非但不能拓地至黑海岸，而反失却馬其頓，其憤慨可知，於是頗有取馬其頓之心。對塞之條約改訂提案，亦拒絕之。俄皇提議調解，塞應之，而布國武斷者流，置之不顧，亦不知自國已爲巴爾幹之怨府，強政府於六月末，並無宣戰布告，突攻塞國。塞早料及此，已於六月二日與希臘結攻守同盟，至是與之抵抗。蒙國亦加入。土耳其擬恢復領地，亦布告宣戰。

羅美尼亞未加入巴爾幹戰爭，概守中立，至是亦不能忍，關於劃定新界，已與布談判，欲得中立之代價，至是以爲機不可失，因亦對布政府宣戰。布被困於五國，連戰連敗，力盡乞和。列國全權，會於蒲加來司脫(Bucharest)。八月十日，使布

國於放棄馬其頓外，割杜部爾及亞大部與羅馬尼亞，返亞得利亞堡與土耳其，而土耳其與交戰國條約亦相繼成立。

巴爾幹戰爭大受打擊者，爲土耳其。戰敗之原因不一，其主要者爲軍隊內之變化。換言之，立憲政體之輸入，實爲其禍根。一九〇九年八月八日之法律，定兵役爲一切臣民應有之義務，無回基督教徒之別，以致軍隊內容，非常複雜。土耳其人之外，有阿拉伯希臘布加利亞猶太阿曼利亞等人。宗教思想，無以前之權威。蓋信仰實土耳其軍之生命，無此卽軍無戰心矣。土耳其之損失，可謂德國之損失，而補此損失者，實爲羅馬尼亞。蓋羅馬尼亞爲三國同盟之與國，以巧妙之外交，已隱然成爲巴爾幹之霸者故也。

塞爾維亞之國勢日隆，常以奧國爲第二土耳其，欲報復之，於新得之諾威巴薩經營頗力。奧之外交政略，常援布加利亞以制塞。但自布國敗後，自不能與塞對抗矣。維也納政府，見勢不佳，因以二種政策，欲挽回均衡之局：（一）欲改訂蒲加來司脫平和條約，蓋可使布國恢復故也。然俄國不欲布國由斯拉夫世界入於日耳曼同盟，時時警戒之。德國亦以爲條約改訂，反使羅馬尼亞同情於協商方面，故反對，遂不果。（二）伐塞以除後患，因之維也納政府於蒲加來斯脫和約成立之前夕，向伯林羅馬兩政府交涉，求支持此種防禦的行動。然羅馬政府以其計畫之性質，全屬攻勢，不能通用於同盟條約中之應援事項，故拒絕之。德國亦以爲奧國未十分準備，亦不承認，然奧之戰

意甚決，不過猶豫一年而已。要之、巴爾幹同盟之潰裂，於俄爲失而於奧爲得者也。

### 第五節 列強軍備之擴張

日俄戰爭，與各國實地教訓不少。即要塞鐵道重砲等，此際奏效甚多，故欲制勝天下，則非平時有周密之準備不可。敵國若僅一國，則將己國軍力擴張至多於彼國即可，然雙方陣容爲數國結合時，（三國同盟對三國協商）則其間關係極爲微妙，極爲有機，即一國擴張，勢必及於他國。滿洲及阿加第爾二役後，列強軍畫擴張，幾有無限競爭之勢。

#### 一 陸軍擴張之競爭

列強中德國之陸軍，擴張最速。阿加第爾事件時，每年徵

募兵額增加一萬，翌年再加二萬九千。一九一三年四月，更向議會提出大規模之國防法案，宰相演說：『謂今日之南斯拉夫諸族，已席捲土耳其，若不幸戰禍波及歐洲，日耳曼與斯拉夫相對，軍備擴張，實爲焦眉之急云』。案即時通過。一九一四年十月一日，其平時定員達八十七萬，同時其人民之主戰熱，逐年增高，德意志國防協會，倣海軍之海軍協會，於一九一三年設立。

二元帝國之陸軍，已於意土戰時擴張，及巴爾幹役後，卽增徵三萬，每年募兵二十萬。其參謀本部，取法普魯士，加以改良。意大利因二州合併事件之刺激，擴張陸軍。意土戰後，每年增募三萬。

法國懼德國之壓迫，一九一二年夏，與俄國商議結果，廢七年前之二年兵役制，恢復三年制。一九一三年七月，通過於議會，故法國平時兵力有六十四萬五千，同時借十億法郎與俄，使於波蘭方面增設鐵道。法國陸軍缺少總指揮機關，爲大弱點。一九一一年，陸軍當局，立法補救，戰時陸軍軍備一切機關，概歸全軍司令長官之參謀總長，俾得發揮手腕，而負重責。俄國鑑極東之敗，銳意刷新，其陸軍內部，完成其高等統帥府，獎勵軍事研究，又於動員集中等，大加改良，故較四隣之軍備擴張，比較冷靜，然至一九一四年三月，亦大增其常備兵額爲一八〇萬，以一九一七年秋爲完成期。英國亦隨時勢，由孤立而協商，由海軍擴張而陸軍擴張。一九〇六年九月，新設

參謀本部，大改其陸軍之缺點。豫定二年後，一朝有事，動員可得十萬至十六萬之陸軍。但大陸時勢日迫，不可專恃海軍，故有盛倡發布徵兵制度，及振興陸軍之說者。

永久中立國，於此亂世，亦無強國可恃。英國已預想有侵害比利時中立之事。比利時亦慮其殖民地之被侵，翌年即擴張兵役制度。一九一四年已有二十萬以上之陸軍。荷蘭亦於一九一〇年築其富里辛要塞。瑞典哪噶丹麥三王國，一九一二年十二月二十三日，發共同宣言，謂尊重海牙（The Hague）和平會之中立規例，若欲變更之，則豫先當交換意見云。

## 二 列強之海軍大擴張

日本海海戰，影響於列強造艦政策者不少。英國富依沙提

督，目擊此戰以巨砲決戰爭之運命，故主張以後之海軍主力艦，不可無載巨砲之大艦；無畏巨艦，即本此理想建造者。列強之海軍擴張，皆以努級艦建造爲競爭。

德國大海軍之勃興，使英國變更其海軍重心地。英國海軍當局者，見德國製定艦隊法，示以海上權力爲其世界政策之後援；若英海軍仍在海峽及泰晤士（Thames）河口之沿岸，則一旦有事，難以制勝。故一九〇五年冬，集中艦隊於北海，一九〇八年設洛希斯（Rosyth）軍港於蘇格蘭之北海岸。又以其北端之斯加派富羅島（ScapaFlow）爲大艦隊之根據地。一九一一年，法國與與國之海軍協商，着着進行。翌年八月，與俄國締結海軍協約，九月與英國結同樣之約。其主力艦由海峽及大西



洋沿岸移於地中海。一九一四年五月，英俄二國，在配脫爾克來特結海軍協約，而協商三國間之海軍協約以成。

其間德國之海軍，擴張非常猛烈。德英間海軍噸量之懸隔，日益減少，奧國亦頻造大艦，意國亦然。一九一三年六月二十三日，三國結海軍協約，以破地中海艦隊爲作戰計畫，該協約於一九一四年發生效力。

## 第六節 平和運動之失敗

### 一 英德人之力圖親善

列強之軍備競爭，非常劇烈，因之挑撥國際的憎惡心不少，而德國實助長此勢，蓋輒近反對軍備縮小者，實德國也。一九一九年第一及一九〇七年第二之海牙平和會，反對常備兵額

及軍費豫算之縮小，或制限，又不贊成立總括的調和裁判之提案者，亦德國也。德國財政，因擴張軍備，頗爲膨脹，而不覺其苦者，以其恃武備能侵略弱國之利權及其產業之發達，有以致之。然其恫嚇手段，亦於阿加第爾事件，爲英所扼。

英德兩皇室及兩民族，血統本同，而感情反日疎。德人中多有以英國向德有戰意者，但一面對英外交，雖不信用，而信二國有和解之可能性者，仍居多數。如倍脫滿 (Pethmann H.-ollwey) 爲最有力者。一九〇九年，氏爲宰相時，頗致力於兩國國交之改善。

德之商工業，蠶食英之市場，以及其海軍政策，使英不能獨霸海洋，二者實爲冷却英國對德國感情之原因。觀愛特華七

世 (Edward VII) 治世中，未曾訪問彼之在柏林之皇甥卽知。然英人之反對格雷外相之協商政策者，較德之和解黨尤爲有勢，如自由黨前首相露斯配利是也。彼以爲親摯協商，乃爲引英國入戰爭漩渦者，自由黨之急進派，財界有力者，勞働黨及愛爾蘭人，皆攻擊格雷之秘密外交，高唱議會對外交之統制權，欲免其職。其時應英國平和要求之團體簇出，其數全國共四十（一九一四年三月）。

## 二 兩國協商談判及其決裂

格雷外相，非不知兩國和好之利。摩洛哥問題，德法協商簽字後，已於議會表示此意。一九一二年一月，德皇有開兩國談判之意，與英交涉。二月八日，英卽諾之，遣大使官哈爾達

拉 (Haldana) 至柏林，哈氏與倍脫滿所論之問題頗多；如兩國海軍問題，非洲殖民地問題，巴格達特 (Bagdad) 鐵道問題。要之、根本問題，爲英國對三國同盟及對德國妥協之程度問題而已。

德國初向英國提協商案六條：卽二國不可爲無挑撥之攻擊，及爲該行爲之準備；締約國一方被動的與他國交戰時，他方至少亦當守好意之中立；但中立之義，不能應用於兩國已結之現行諸規定；再兩締約國，不可與他國締結違反上述中立義務之新條約，其意卽德國仍可依賴以羅馬尼亞及土耳其爲陪襯之三國同盟，而英國則不唯不能與葡萄牙及日本結盟，且將來亦不能與他國訂同盟條約，英國之不利可知。因英雖與俄法協商

其性質與攻守同盟不同。德國要求英國於大陸戰爭爆發時守絕對中立，英國不可，故三月十四日經閣議向柏林政府提出別案；即英國向德國決不爲無挑撥之侵略及攻擊。英國現行之條約協商等，非對德國有攻勢之目的者，將來英國亦不參加有此目的之條約云。德國仍不滿於右案，附加若德國不得已與他國戰爭時，則英國至少亦當誓守好意之中立一條。同時德國要求以本協商適用於海軍方面。英國終不肯承認德國要求之此種普汎性質之中立，故至年末不能解決，卒以流會而終。德國無論如何，欲達其海軍擴張之宿志，故於一九一三年春，英國海相所提「以一九一四年爲海軍之休日」之案，亦不贊成。德國首相頗愛平和；而政局之真正指揮者，已非彼矣。德皇亦無力，主

宰者，海國主義之首魁寶畢茲（Tirpitz）是也。

### 第七節 世界戰爭之前夕

英德二國之協商破裂也，歐洲政局，日見險惡，法國因思所以固其外交地步之策；其後援之最有力者，英國也。阿加第爾事件，已積極援之，然此不過一時之助而已，此法國之所以亟亟求將來保證之故也。一九一二年十一月二十二日，格雷外相與法國大使交換書翰，即兩國政府之各一方，有期待由第三國無挑撥攻擊之重大理由時，即與他一方商議應協力支持平和與否；若應協力，則商議兩國應取何種手段；又若此等手段包括作戰時，則由參謀本部考量計畫；而此計畫所生之結果如何，則由政府決定之。此公文之措辭，極為巧妙，故無論何種國

際條約，亦不能拘束英政府之行動。一九一四年六月十一日，格雷外相對議會之質問，答云「英國將來加入戰爭與否，決定之自由，無何等密約制限政府及國會」云，其意可知。先是一九〇八年初夏，法總統訪英之際，法報鼓吹英法同盟，英未應之。一九一四年四月二十一日，格雷外相及英王訪巴黎時，法國有力政治家及俄大使皆主張改訂三國協商爲三國同盟。格雷以此等結合有一般的性質也，不之應，遂不果；實則此時英德感情益惡矣。

法國因軍備之不充，對德抱隱忍之態度久矣，自一九一二年一月，親德之內閣瓦解後，排德派內閣繼之，一年更選總統。其政府與國民政策，同一步調，乘阿力第爾事件，鼓吹新精

神，於是復仇思想，浸潤於小學生腦中。德國對法國之不遜態度，不勝枚舉。芝阿備羅市德軍對市民之爭，與一九一三年卽德皇卽位二十五年，適爲拿破崙征伐萊依比錫希（Leipzig）戰爭之第一百年，於該地行一大戰勝紀念塔之除幕式時，都鄙人士，皆公然慶祝等事，皆可謂對法國之示威運動。

巴爾幹戰事結果，斯拉夫民族勢力及於愛琴海岸，日耳曼同盟，頗嫉視之。一九一三年，德國派里門桑得（Timmans）將軍，率陸軍士官至君士坦丁，欲助土耳其圖強並樹立德國之勢力也。而猜疑之俄國，於二月六日卽開皇帝親臨會議，討論關於君士坦丁及海峽之事，又於報紙攻擊里氏一行，且宣言俄亦非無攻勢之準備云。主戰空氣，全國皆有，排德者有主



張改訂日俄戰時與德締結之不利之通商條約者。（該條約以一九一七年滿期）。俄之排德論，頗引起德有力報紙之反響，皆極力鼓吹排俄，謂俄之現在軍備，實乃爲德而設，國民非警戒不可。德之 Paul Rohrbach 力說德國以前注力於摩洛哥，實爲失策，不如應用其資力於近東，蓋德國之敵，非英乃俄故也。

## 第二編 大戰史上

### 第四章 大戰之初期

#### 第一節 德俄兩國大陸政策之決鬪

巴爾幹戰後，德法德俄間之國際的緊張漸加，而日耳曼同盟之結合亦漸固，柏林政府實執其牛耳。一九一四年四月德皇訪奧皇太子於脫黎愛斯脫 (Trieste) 附近，六月十二日，與海

相又訪之於波希米亞之離宮，談議頗多。

奧國及塞爾維亞之關係漸緊，塞之老王退位，使其子阿來克生特爾攝政時，塞領土已倍加，人口亦加百五十萬，故王之自負亦甚，乃煽動波斯尼亞之同胞，使對二元帝國離叛。六月二十八日，奧皇太子夫妻（Francis Ferdinand）來遊 Serajevo 時。大塞爾維亞運動者，突起將二人銃殺。

此兇變聳動世界，同情於奧帝者頗多。二元帝國當局以爲此乃實行去年八月對塞計畫之絕好機會。先是兇變前四日，奧國外交部草一關於巴爾幹政策之外交文書，大要曰：「現今塞國及俄國之斯拉夫運動，正在活躍。羅馬尼亞人欲乘機與塞相結，則以俄爲後盾之巴爾幹同盟，又將實現矣，危險實無其

比，故不可不妨害其成立；爲今之計，先須保全羅馬尼亞之領土，使布加利亞加入三國同盟；再使希臘布加利亞與土耳其和解，以爲撲滅塞國陰謀之用」云。又以塞國有俄爲後援，故此計又非仰德國之助不可。當奧太子彼刺時，德皇正在基爾（Kiel），聞變卽馳歸柏林，密與維也納政府交涉。奧老帝之密使攜老帝與德皇之親翰，及六月廿四日外交部之外交文書，七月四日向柏林急行，一切事件，定於次日皇帝親臨會議決之。此會列席者，爲行政各部之責任者，陸海軍首腦重要國駐筭大使鐵道當局者，大銀行家大商工業者等，皆一致出席。基爾連河之擴張工事已告竣，唯銀行家提出財政準備之二週間之猶豫，其間盡力將外國證券秘密賣去，以換現金。德皇將一切決定後，

翌日再回基爾，若無其事者，依例乘夏期之遊艇，向諾威灣出發，而澳國七日待密使回都，開大臣會議，大概方針全定，其間奧政府盡力調查兇變事件，結局發見俄國當局者，有參與陰謀之事實，然隱忍不發。至七月一日，以其對塞之最後通牒，示德國大使，大使即電知本國，豫作準備。七月二十三日傍晚以四十八時間之短期限，送通牒於俄政府。其向塞國要求：（一）禁壓一切排奧運動；（二）罷免反奧官吏；（三）對行兇者之裁判之審理；（四）奧國官吏與塞國官憲合力抑壓顛覆奧領之陰謀是也。

日耳曼同盟，此種要求，當時列國國情，實有以致之。法國之社會黨，仍事反對軍備擴張運動。五月之總選舉，又新加

入同志四十名，其勢更盛。七月中旬之大會，決議以同盟罷工防止戰事之勃發。同時元老院之陸軍委員，又發見法國陸軍之國防上之缺點。俄國七月中旬於首都及各大工業市中，發生同盟罷工，首都因之有流血事故。奧德法諸國駐劄諸大使，見奧政府之沈靜，皆以爲形勢尙不緊急，及最後通牒之際，三國大使皆在告假出境期中。英國亦苦於自由黨內閣提出之愛爾蘭自治法，不能使保守黨及烏爾斯太 (Ulster) 民滿足，國王從中調停兩派領袖，然終歸失敗。

塞政府忍氣吞聲，承認十條要求之大部分，但對於司法權行政權干涉之條項，以獨立國之面目上，不肯承認；而維也納政府則要求承認全部，際此千鈞一髮之秋，列強外交，活動頗

力。

平和主義之英國，主張調停，欲開英法意德四國大使會議於倫敦，俄國應之，而二十六日夜倉卒由北海歸來之德皇，以「問題完全爲奧塞二國間事不與俄國相干」之理由拒絕之。於是二十八日奧國對塞宣戰。三十一日下總動員令，時俄國亦下令總動員。德國對俄，勸其取消動員，俄不應。翌日，德對俄宣戰，此二大大陸國之大陸政策，已干戈相見於疆場矣。八月三日，德揣法亦必與俄行動一致，故對法宣戰，期僅一週，而歐洲大戰禍已爆發矣。

## 第二節 英德爭霸戰之實現

### 一 德國於軍事及外交上之企圖

德國過去五十年間，已有軍用鐵道敷設之舉。其國有鐵道之直通東西國境者，亦有十餘支，爲俄法二國所不及。von Schlieffen 元帥一八九一年任參謀總長後，十六年間計畫組織的迅速的動員集中，欲西挫法而東敗俄也。德軍入法之道有三：中二道通亞爾薩斯洛林，而法國於此方面守備頗堅，不易侵入；其南有瑞士中立國，地方險塞，軍力頗厚。第三道於可羅業（Cologne）渡萊因河（Rhine River）過比利時而入法之東北者，此道不唯地方平坦，且法之守備亦弱，故頗便利。於是德國雖於一八六七年及一八三九年二條約，保證盧森堡及比利時之中立，而久有侵之之心，故於此方面設軍用鐵道頗多。德之戰爭論者，有「軍事必要之前，無所謂中立權者」之論調。軍事記

者，亦乘機高倡此論，即中立權侵犯，已成公然之秘密矣，而德國於大陸戰爭，尚有一計策，即欲使英守其中立是也。

## 二 德國侵犯比利時之中立

英國最懼德國之侵犯比利時。摩洛哥事件時，英國曾以海軍於哥本哈根（Copenhagen）警戒德軍，同時其駐布魯塞爾（Brussels）武官，陰與比國參謀長商議，告以若有萬一，則英能派十六萬陸軍於大陸；然此不過商議而已，未成正式條約。比利時亦以為國際政局，驟呈險惡，遂注全力於國防。

德國對俄宣戰後，見俄之與國將攻己也，即實行其作戰計畫。八月二日侵入盧森堡，此國因條約受軍備之制限，且已加入德國關稅同盟，其王又頗親德，故無抵抗，任其縱橫；又侵



此，比拒之，不敵，兵遂入；又對法宣戰，法人之愛國心瀰漫全國，主戰黨殺非戰總帥作來斯以祭旗，示其決心。比又向英政府求援。

### 三 英國對德國宣戰

德國初意欲以戰爭僅限於二國同盟，對三國同盟範圍內，故頗望英國中立。七月二十九日夜，御前會議時，決議向英國提出三條件：（一）德國於大陸無奪法領之事；（二）尊重荷蘭中立，（三）如不得已侵犯比國之中立時，亦必恢復同國之獨立等。此實與一九一二年哈爾達拉談判時，所提出者相同。英國自然不承認此種苛刻的屈辱的條件，故即時拒絕。

及德俄交兵，英政府見禍之將及西歐也，八月二日早閣議

，議決通告法政府。若德國艦隊攻擊法國沿岸，及出現北海與英國海峽，妨害法國海運之時，英國艦隊必任保護之責云。當時德國艦隊自一九一〇年來，每年出拿爾烏灣演習。七月十六日奉命歸還。英國邱吉爾（Winston Churchill）海相，接 Serajevó）兇變之信，即發令召還基爾訪問中之一艦隊。七月初行動員試驗，召集一萬六千豫備兵，十六日第一二三艦隊於英峽演習，二十二日於斯匹特赫德（Spithead）行四百九十三隻艦艇之觀艦式，國王親臨以示鄭重。式後，海相暗傳命令於艦隊，使其預備動員式，以待時機。及東歐政局日趨險惡，二十七日，英政府急公告其第一艦隊，碇泊於帕脫海特灣。是則法國沿岸，已有有力之英艦掩護之矣。

八月三日，德軍侵比利時，時英政府即對德政府發關於比國中立之最後通牒。四日，兩國皆入交戰狀態。

英國視比國中立頗為重大，以其於大陸列強均勢上，國防上，經濟上，皆占重要地位故也。法路易十四占領比利時以攻荷蘭時，英國即加入荷蘭發起之對法同盟，亦此故也。一七九三年，法國大革命時，英國又加入對法同盟，亦為懼比國入革命軍手，而脅英國之故。一八〇三年，英法失和之原因，亦為英國嫉安凡斯（Anvers）在法國統治下發達之故；有此因緣，故一八三〇年布魯塞爾革命之際，英國見法國有併比之心，乃急承認其獨立，與列強共議使為中立國。英國之參加戰爭，亦為懼德之併比利時，則英國海上地位必蹙，結局，其國際的

權威必因而失落故也。

### 第三節 德軍侵法

開戰後，德軍動員如疾風迅雷，集中法境之兵數，無慮一

六〇萬。西方境界之七軍，遂攻比及盧森堡而向法。法參謀長

霞飛 (Joffre) 以五軍當之。英國使費賚起 (Sir John French)

率兵十五萬，渡大陸，以八月二十一日爲集中完了期，欲於墨

士 (Meuse) 河線聯法軍以敵德軍。然德軍所向無敵，比利時

之抵抗，與聯軍之救援，皆歸無效。比國國都亦陷，聯軍却走

。二十四日，霞飛發令總退却，且戰且走，如是者十二日。克

羅克 (von Kluck) 將軍所部之德軍，於衰坦開城紀念日，進

逼巴黎，約距六十四里地點，法政府急遷都包爾都 (Bordeaux)

。霞飛欲誘敵深入，俟其隊伍未整，則反攻之，而瑪崙(Marne)線爲反攻之極好地，侵入軍果漸疲，而聯軍反加新軍。九月五日霞飛乘敵渡瑪崙時，急令全軍血戰數日，後挫敵於哀因河(Aisne)彼岸，以後兩軍對峙而巴黎以全。

德軍遂轉向比國方面，十月陷盜凡斯，又欲取加來(Calais)之北海岸。英軍善戰，於易色河(Yser)止之，然比國已爲德有矣。英國政府頗形狼狽，陸海軍當局者，欲法軍與海軍結合，再奪荷蘭全海岸，以威脅德軍右翼。然霞飛以巴黎故，未應之。因之西部戰線之聯軍，無何等進展，而西部戰場，則除開戰時法國所占之亞爾薩斯一部外，幾無他地。德軍則占盧森堡與比利時之全部，以及產出法國全產鐵額十之九與煤炭之半

及有盛大之工業豐饒之農圃之東北法境數十縣。

#### 第四節 意國中立及參戰

意大利以其經濟地理及軍略上之地位，與最近外交上之行動等，即知其不袒護日耳曼同盟。其國民以二年前戰役，創痍未癒，頗望平和，故意政府於八月三日聲明奧國之攻擊的行爲與三國同盟之防禦性質相反，故守中立云。然同時亦有動員準備以備萬一，及阿爾巴尼亞革命軍起，逐其新國公，四隣列國，皆起覬覦之心。意國乃起兵於十月占領其淮落拿港 (Vlorë)；其聲明中立也，同時向法政府聲明對法無何等惡意，蓋欲動其邊境之兵於疆場故也。而日耳曼同盟國，因之疑心益甚，因急將羅馬大使更迭，派最有力之外交家，欲使意國不加入三國

協商，嚴守中立。外交家爲德國前宰相皮魯氏。

意國政治家 Giolitti 主張中立最力，以爲意國軍備不完，且有德法爲中介，可得二元帝國平和割讓領土之利。十二月，奧國占領倍羅克臘特 (Belgrade) 時，意國以事關其經濟上及政治上利益，而奧國不與相商即犯巴爾幹，實爲不當，故主張開始交涉。奧政府不應，後以德政府之中介，方允對於同盟條約第七條之代償，開始交涉。然奧政府之所謂代償，乃爲以阿爾巴尼亞與意國者，故一九一五年四月，意國對奧聲明，若不即割讓奧領，則不再繼續交涉。奧政府不得已，遂割讓特里恩特。其間日耳曼同盟，雖極力操縱意國中立黨，而意國未收回地收回之愛國說，日以增高。及英法聯軍砲擊達達尼爾時，意

人之參戰熱更烈，以爲建設大意國，此其時矣。四月八日，向奧提出十一條要求，於是協商三國，暗中大飛躍，欲使意奧談判不成。而羅馬政府，因得於中取利。結果與讓步最大者同盟。

四月二十六日，英俄法三國於倫敦與意國結密約，即意國即時加入三國，三國於得勝後，與以至自然境界之全南部乞落爾 (Tyrol) 脫黎愛斯脫 (Trieste) 市及其地方。五月三日，意政府宣布退出三國同盟。同時全國之排奧運動蠡起，內閣爲之動搖，然民衆之要求，終得勝利。二十四日，遂對奧宣戰，奧國又不得不自俄國方面撤兵，以當阿爾帕斯新戰線，聯軍又得生力軍之助力矣。



## 第五節 英國之陸軍編制

意國參戰，僅精神上援助聯軍而已。國於山地，實際上之效果，自不能十分顯著；而於長戰線之對峙，則賴於有大多數之兵卒。法國以人口關係，故兵力之供給有限，不得不仰給於英。然英之陸軍，不唯彈藥銃砲與其他軍用材料，毫無準備，即兵士之被服亦缺乏。八月六日，埃及總督吉青納（Kitchener）將軍，就陸相職。將軍內固國防，外征大陸，責任之重，世罕其比；際此危機，非急將陸軍編成，與以現代之教練，不足以奏膚功，軍用品之製造亦然，而將軍之能完此鴻業，實其威名令譽，有以致之。就任日，即得議會協贊，徵集兵士五十萬，一月後又五十萬，更於十一月十六日再召集一百萬。大戰勃

發時，英國派出十五萬完裝兵於大陸，十二月末更增援兵三十萬，翌年九月末，費賚起將軍麾下幾有一百萬，當局者見戰爭有久延之勢，一九一六年五月，發布徵兵令，凡十八歲至四十一歲之健男子，皆有兵役義務。軍需大臣雷特佐治，極力注重製造軍需品，舉全國工場爲軍需製造所，夜以繼日，以從事之。故英陸軍之勢，亦蒸蒸日上。一九一五年，西部戰線聯軍，以軍用品不完，故未進攻。

德軍見西部戰況無進展，乃擬攻拔凡爾登（Verdun）堅壘，一舉而衝巴黎。（一九一六年二月）此戰最爲激烈，以麥加爲根據地之德軍，蜂擁而來，勢不可當。而法軍之應戰，亦前古未有。是年夏，英軍出動索姆（Somme）河，牽制德軍，聯

軍攻索姆河五月之久而無功。然凡爾登之圍，則因之解矣。歷時一年有半，西部戰線之大軍，亦無顯者之活動。

## 第五章 俄軍之敗退

### 第一節 俄軍侵入東普魯士及加里西亞之失敗

大戰勃發之初。德軍奔騰澎湃，進逼法國，英法二國皆望東歐與國之助力。蓋若俄國出動以牽德軍，則聯軍之急，或可救也。俄國果副其望，其動員集中，意外迅速，爲德所未料。尼古拉斯大公統率俄軍，開始活動。俄國西境，其波蘭屬領，深界入於坦坦大平原之東歐，即德之東普魯士及二元帝國之加里西亞（Galicia）之間，即北西南三側面，皆與日耳曼同盟接界。由界之尖端至柏林，僅二百英里耳，然若不顧左右兩側，

直搗柏林，則有與本國交通斷絕之虞，此俄軍之所以先攻南北兩方者也。此等地昔屬波蘭王國。

五十八萬之俄軍，分三路，於一九一四年八月，由東南兩面侵入東普魯士。而德軍在東普魯士者，不及侵入軍三分之一

。哥尼斯堡 (Koenigsberg) 幾不能支，將渡維斯斗拉 (Vistula

) 而退，於是參謀本部，急由侵巴黎軍分兩軍援東普魯士；又罷免無能之首將，以整陣容。新司令官興登堡 (Hindenburg)

及參謀長魯登道夫 (Ludendorff)，共計佯爲退軍於哥尼斯堡，候敵人之連絡未了時，驟邀擊其南方大集團於麥蘇林湖 (Mussurian Lake) 畔。俄軍果中其計。八月末，被圍於泰倫堡 (Tannenberg)。是役也，俄軍死傷七萬，被捕者達十萬云。

德軍大勝，影響於東方戰局頗大。二週後，東普魯士之俄軍，進踰波蘭境界，不得志而回。至同年末，德軍進攻華沙（Warsaw）兩次，以俄軍善守，故無功。

加里西亞位加爾拍脫（Carpathian）之北，地勢於軍略上極爲不利，奧國不得已先發制人，侵入波蘭，故俄國立定征加里西亞之計：九月初陷來姆堡（Lemberg），同年冬欲踏破加爾拍脫之險，以伐匈牙利；然終因輸送機關不完全，與軍需久缺，不克成功。

## 第二節 波蘭之敗亡

瑪崙役敗後，陸相福根海新任德軍參謀總長，鑒於前失，改取守勢，欲先窘俄而再轉西部。一九一五年四月，集二百萬

大軍於俄境，六月，占領加里西亞，攘俄軍於加爾拍脫山，六月，大舉入波蘭，八月初陷華沙。於是波蘭全入德人手中。又占領果蘭（Courland）之大部，及立陶宛（Lithuania）之一部，至賓那（Donau R.）河線而止。日耳曼同盟於此戰，未得決定的勝利，由於兵力缺乏之故，而意國之參戰，亦有以致之。

初東歐三大帝國，見波蘭問題又將以武力解決也。反對波蘭之二千五百萬之人民競表好意。大戰勃發之八月，德皇謂波蘭民族曰：『打破俄國與德和好，乃上帝之聖意。』奧國八月九日宣言云：『波蘭民族之敵，實爲俄國。波蘭今將復活，故宜速加入日耳曼同盟。』同時尼哥拉斯大公亦宣言云：『波蘭失其獨立，已一五〇年矣；然波蘭之精神仍在。俄國將消滅波

蘭，分割國境，舉波蘭而統一於俄皇治下，更欲與波民以宗教言語及地方行政之自由。』而三國中奧國遇波人最善，德國無解放波蘭人之誠意，而俄國則僅有置波蘭民族於治下之念，不顧慮其獨立與自由；因之德奧軍入波時，波人不助俄國，而俄國中產業最富沃之西境六萬五千方哩，已入德國治下矣。

## 第六章 德意志世界政策之顛覆

### 第一節 日本之參戰

開戰僅一年二月，德國西吞比利時及盧森堡，包圍法國東北部，東併西部俄羅斯，則其宿志之「大中歐」政策，半實現矣。然英國之舉兵，使其三十年來之計畫，悉成畫餅。蓋德之海軍非英之敵，故其大洋艦隊，既深藏港內而不敢出，即商船

亦逃入本國或中立港內，則其貿易之損失可知。其海上勢力，除有時避英艦之鋒，襲擊東海岸上，僅東洋艦隊由膠州灣出發，威嚇太平洋印度洋之商船而已。

此時日本之態度，頗值兩交戰團體之注目。當時大隈內閣已於八月四日宣布中立，而日本之指導階級，有二傾向，即主張尊重日英同盟與國攜手；及主張乘機掃除英國之東洋商權，與德結好，二者是也。軍閥及學者，皆傾向後者，德國亦欲日本中立，曾對日通告：『若日本中立，則東洋艦隊，決不向英國有敵對行動。』然英政府屢次促日本參戰，政府亦以參戰與大局有利，故據三年前改訂之同盟條款。內「德國不應加攻擊於無挑撥行爲之英國，而攪亂東洋平和」之條，乃發最後通牒



與德國，大要爲撤去日本及中國海岸之一切軍艦，且解除武裝。及九月十五日以前，以租借中國之地，讓與日本二條。既不得德國滿意之答復，八月二十三日遂對德宣戰。

日本陸海軍，卽時活動，其任務有二：一爲殲滅德國東洋艦隊。日本海軍與英法二國海軍，搜索僅八艘之德海軍，各處尋覓。十一月初，於智利（Chili）擊破英國小艦隊之德國艦隊，一月後竟於福爾克蘭（Falkland）爲英國所派有力艦隊所擊沈，再侵害印度洋之東洋艦隊之所屬船，又爲奧大利亞英巡洋艦所破。故此等海面，概歸平穩。日本之第二任務，卽攻拔德軍在極東之軍事行動策源地——膠州灣——是也。十二月八日竟克之。青島陷後，德之勢力在遠東者已消滅無餘，而日人乃着

着進步，占膠濟鐵道全線，及附近礦產。青島行政海關，悉用日人，且利用袁世凱帝制自爲之時代，進而提出二十一條以迫我國。

日本於軍事方面協助同盟國外，更於經濟上協助之，受助者以俄國爲最。一九一六年七月三日日俄協商，約於極東協力維持平和，各不加入有損他一方之政事上之協定及聯合。又兩國於極東領土權或特殊利害被侵迫時，則兩國協議擁護之。

## 第二節 德國殖民地之運命

德國殖民地，斯時除用無線電信與本國連絡外，幾可謂孤立無援，故聯合國亦極易占領之。日本陸軍於山東半島上陸時，其海軍占領太平洋赤道以北之德領殖民地，即加路陵（Caro-

line) 馬麗安 (Mariance) 及 馬夏爾 (Marshall) 諸島是也。奧大利亞占領加路陵列島西南之開徹威廉蘭特 (Keiser wilhelm's) 及俾斯麥島 (Bismark I.) 所羅門 (Solomon) 列島，紐西蘭 (New Zealand) 占領薩摩阿 (Samoa)，西南非洲歸南非自治領之手。多果蘭 (Togoland) 及喀墨龍 (Kamerum) 爲英法二國所占，東非洲因地勢上之關係，繼續最後之抵抗，然卒爲英法比三國所平定。(一九一七年一月) 於是德國殖民地，全爲敵有。

## 第七章 德國大「中歐」主義之實現

### 第一節 關於作戰東西部論者之爭

腹背受敵之德國，於征法失敗之後，轉而東破強俄。參謀

總長福根海以爲無論如何，非於西部再決戰不可；而西部又實爲德英兩國霸權之爭，故一切攻勢，不向法而向英，於是集大兵於比利時，欲由易散河驅逐英軍，以圖占領海港；終以德國海軍不欲取攻勢，遂不果。其與土耳其相結，蓋欲利用之以脅英之蘇彝士運命，及宣傳排英於回教徒間之故。其攻凡爾登，亦欲於西部戰線得決定的勝利。一九一五年七月德奧軍未入波蘭以前，福根海欲與俄講和，蓋侵之不如和之之有軍事的價值也。然德軍內，有不以爲然者，即興登堡等，以爲若能收伏俄國則英法二國必允諾和議，而西部之決勝戰，則更非將俄征服不可。然俄國征服事實，已與德之最高統帥府之東西部論者以解答矣。要之、不過時期問題而已。

英國亦有如德國之論爭。費賚起一派與福根海同其主張，以爲勝利及由勝利而獲得之果，實非擊破德國主力不足爲功；假令東部得勝，而西部敗北，則聯軍結局，毫無所得。故費賚起主張奪回比利時海岸之計，而法國不從。一九一五年一月上旬，英國軍事會議，以此案附議，費賚起堅執前意而陸相吉青納見土耳其其參戰於東方，（尤於巴爾幹方面）及小亞細亞開一局而，故不同意奪取比利時海岸，而主張向巴爾幹小亞細亞，行其計畫。此派論者，並非不注重西部戰線，但以爲既於此方面堅守不動，則不若向東方進行，打破德國之中歐政策，而完成陸上封鎖之使命。吉青納及雷特佐治皆主張之，而不欲分兵力與軍用材料之人，概不悅之。然政局之發展，遂使土耳其加

入日耳曼同盟。

## 第二節 土耳其之中立及其宣戰

### 一 土耳其中立宣言

大戰之初，土耳其國民對德及對英法，感情不一，惡好俱存。八月三日、宣言中立之青年黨政府，已於前日與德國結約。若因俄之干涉奧塞戰爭，德國不得已應援奧國時，則土耳其亦有助德之義務，本條約至一九一八年末日有效。然德國以爲若由土耳其之援助而得勝，則戰後反爲其累，故非萬不得已，無求土耳其之心。協商國雖不知土德之密約，然見土耳其政府爲親德之青年黨所把持，則知與土耳其妥協之無望，故極望其保持中立，以四年間三戰亡國之訓，說其當局者。英國曾謂土耳其

其云：『若支持中立，埃及方面無變故發生時，則英政府不變更其現狀。』而法兩國亦聲明保證土耳其之獨立，及其領土保全；然其時有一事足以使土耳其之中立破壞者。

## 二 德國軍艦之遁入

一九一三年、德國之地中海艦隊有巡洋艦一艘，附以輕巡洋艦二艘，大戰勃發之際，『戈朋』(Goeben)及『勃來斯老』(Breslau)軍艦二艘，正在意國海岸；後利用其速力，避英艦隊監視之眼，如脫兔而東；八月十日入達達尼爾，遂入君士坦丁(Constantinople) 英地中海艦隊本知德艦將有脫出大西洋之事，但因過視國際法上之中立法規，故已忘警戒該海峽近旁，此脫出可謂出其不意。

協商因即向土耳其抗議，要求二艦於二十四小時內，退出海峽，或解除武裝。土耳其答以該艦未入達達尼爾以前，已向柏林政府買入，遂不使其乘組員退艦，更將其海軍顧問英人提督解職。

考土耳其之態度，如此其強硬，實英政府有以致之。先是巴爾幹戰爭，土耳其以希臘之大弩級戰艦壓迫其海軍，故戰敗，欲報復之；於是急購在英製造一大弩艦，另更定製一弩艦；而希臘亦由合衆國購二艦以補其海軍之缺點。（一九一三年六月）土耳其以其愛國捐助金及厚利之借貸，置此二艦，付清置價後，乃使兵士至英取回；正欲航行回國，適戰爭勃發，英政府欲以二艦供其利用，而約賠價格而沒收之。此舉爲土耳其不



直於英之原因也。故土耳其亦借德艦爲口實，以苦英國，因之德土同盟日益現實，則二艦之影響國際政局者頗大。

### 三 土耳其參戰

德國陸軍使節，已把持土耳其之陸軍，而令其地中海艦隊司令長官，又統率土耳其之海軍，聯合國竭力以好餌與土，求其中立，然無絲毫效果。土耳其青年黨，則乘機欲實現其國權收回運動，九月九日即宣布撤廢領事裁判權，月末又發封鎖博斯福羅 (Bosphorus) 達達尼爾 (Dardanelles) 兩海峽命令，而塞俄國貿易輸出入要道。其對協商國之攻擊的態度日昂，土艦隊遂砲擊俄國黑海沿岸。十月末，三國大使出君士坦丁，與土耳其斷交。十二月英撤去對英不忠之埃及太守，同時宣言埃

及爲保護國，與土耳其脫離，別置酋長。

### 第三節 土耳其與德意志之企圖

最近六年間，土耳其被列強侵略者甚多，回教人民已不能俯首帖耳，受制於人矣；然絕對不同化之土耳其人，亦不能超越西歐之思想及習慣，何況其中尚有同化歐洲文明者乎？無論何國，皆有保守進步兩主義之對立；土耳其亦有之，故對西力侵入之反動，有以奧託曼主義爲中心之人種的宗教的二大運動。

#### 一 大土耳其運動

大土耳其主義，(Pan-Turkism) 爲奧託曼土耳其支配其土耳其諸族之一種運動。土耳其人欲於恢復其西方所失之領

土，乃政治上之要求；欲得土耳其斯坦（Turkestan）之綿花，及阿爾泰山之金礦，乃經濟上之要求。先是土耳其革命後，政府設立土耳其學藝院，研究西洋先進國之學說。Vanborn等之東洋民族研究，傳播於土耳其知識階級，因之關於言語風俗歷史等之研究，成爲人種思想之萌芽。大戰勃發，土耳其愛國者，欲乘機建立大土耳其。一九一五年，薩洛尼加一猶太人，著土耳其及大土耳其理想一書，主張乘此良機，滅俄國而解放三四千萬之土耳其族，併入一千萬人之奧託曼土耳其，以成擁有五千萬國民之大國。青年黨曾謂黑海者，回教徒及奧託曼人之海面也，亦示此旨。大土耳其運動，初不過包容阿那托力亞（Anatolia）及君士坦丁之土耳其人，波斯及中央亞細亞之土耳其

人，南俄之韃靼 (Tatars) 人等。巴爾幹戰起，運動者不以此爲滿足，更進而唱 Pan-turanism 大理想，故其運動欲包含俄國之芬蘭 (Finland) 人，匈牙利之買及那爾人，西比利亞之土蕃及蒙古滿洲等人；而實現此運動則非滅俄國不可。買及那爾人常受斯拉夫族之壓迫，故共鳴之。

宣傳於民族知識極低，政治思想毫無，雜然不統一之種族間，不唯 Pan-turanism 不能實行，卽 Pan-turkism 亦有不能成功之嘆；然亦可利用之以脅俄國，此土耳其與德國所以竭力宣傳之目的也。戰時彼等虐殺阿曼利亞人，亦以爲若能撲滅此基督教民，則阿那託力亞及阿衰爾賠強 (azerbaijan) 之土耳其族韃靼族間，可全通聯絡，而能實現大土耳其理想第一步故

也。但土耳其主義本不能得阿拉伯人及波斯人之贊同，故更有別種宣傳之必要，即宗教運動是也。

## 二 大伊斯蘭主義運動

大伊斯蘭主義 (Pan-Islamism) 爲聯合回教世界。對抗基督教之運動。運動者之動機不一，土耳其則欲統一回教，而制列強，借宗教而行其政治上之統一而已。本來回教之教主，不似今日羅馬法皇之地位，離俗權則教會教權俱無，然溯其歷史，實際政治上之統一，僅摩哈墨特 (Mohammed) 沒後之十二年間而已。其後則支派分離，不能一致。七十三派中土耳其及波斯分二大宗派，爲宗教的國民的對峙，而回教君主之宗教上之主權，實際僅行於其俗權之區域。土耳其之酋長，一五一七

年征略埃及時，自稱爲由阿牌斯朝之最後教主。襲豫言者之正當繼紹權者。奧國併合二州時，土耳其使其承認酋長爲教主，且爲世界回教徒精神上之元首，又使意國承認同一之精神。酋長之主張，自不能服麥加君長之心。一九一四年十一月十三日，土帝正式對協商國宣戰時，翌日更對此等不信者，宣布 *Dschihad* 「神聖戰爭」，欲使全世界之回教徒揭竿而起。

大伊斯蘭運動，其動因僅限於宗教的要求，超越民族主義與土耳其其同盟者，阿拉伯也。該運動近世之祖師爲 *Djemal-ed-din*，力說回教世界，因歐洲文明而迫於危機，爲英國所忌，由埃及放逐，乃說土耳其前帝，使於帝之宮殿，設大伊斯蘭宣傳局，而躬親其務；一切之宣傳組織方法，皆取現代式；秘密

印刷機文派熟練之宣傳者，散於四方。

土帝失位後，土國青年黨仍行前政，德國政府及銀行家支持之。德國久欲利用摩洛哥爲煽動回教徒之地，及土耳其參戰，則欲乘機於此地，大宣傳大伊斯蘭主義，使英法俄各國內之回教徒，起反噬之心。於是與土耳其計議，出兵於高加索（Caucasus）及蘇彝士（Suez）兩地；蓋兩地皆爲連結歐洲及非洲兩大陸於小亞細亞（Asia Minor）者，德國欲於高加索衝動俄國，而於蘇彝士攻擊英國故也。此計若成，則阿那託力亞與土耳其斯坦之連絡可成。而俄國方面南俄之韃靼人，與土耳其斯坦地方之土耳其人，英國方面之波斯阿富汗斯坦及印度之回教徒，必至有人種的及宗教的變動。又若德國占領蘇彝士運河時

，則東西兩洋間之通路杜絕，因之北非洲一帶之回教徒，勢必蠢起；而英意法三國之內部，亦必動搖，此協商國之危機也。

#### 第四節 聯軍逼達達尼爾

##### 一 加里波利攻擊之目的

協商列強，際此危機，其對策有二：一爲出兵土耳其，以破其企圖；一爲以利誘其比隣巴爾幹列國，使對抗土耳其，力助聯軍，縱不能得其助力，亦當盡力不使其加入日耳曼同盟，而冀其守中立。於是協商國之東部論者，遂支配大局，除高加索俄軍外，已編成三隊遠征軍：一爲攻擊連結歐洲於小亞細亞之第三關門達達尼爾者；第二隊以印度爲策源地，由波斯灣派遣於美索不達米亞 (Mesopotamia) 者；第三隊以埃及及爲根據



地，以征西利亞。聯軍當局者，於攻擊土耳其之目標，意見不一。十一月五日軍事會議，決從吉青納所提議之加里波利（Gallipoli）攻擊，加里波利爲達達尼爾海峽西側岸之一小半島，有險峻之山嶺連之。聯軍欲攻擊之，以輕俄國高加索方面土耳其之壓迫，且欲開放海峽，使俄國得輸出入之路；若此攻擊成功，則效果頗大，布加利亞及巴爾幹之向背擊之，又可向竇那河（Danube R.）之路。

## 二 一九一五年三月協商三國密約

聯軍攻擊加里波利，若成功而陷君士坦丁時，則勝利品之分配標準如何，故協商國密約之。一九一五年三月四日，俄國與英法二國一外交文書，求戰勝後，與俄以君士坦丁及其他達

達尼爾西岸小亞細亞之海岸等。英法亦提若干條件，表示同意，即關於亞細亞土耳其，三國間應別結協定，保護回教之聖地，於阿刺伯立獨立之回教主。一九〇七年，英俄協商中所認定之波斯中立地帶，應包容於英國勢力範圍內等是也。俄國對之，更提議二三保留條件，即不褫奪土耳其酋長資格，保障回教之宣教自由。波斯之中立地帶雖與英國，而稍訂正一二點等是也。蓋當時三國以爲土耳其可取故也。二月後，意大利參戰，以己之要求爲條件，承認三國密約。

### 三 攻擊之失敗——撤兵

加里波利之攻擊，結局失敗，蓋陸海軍之連絡不全，以及過信政治家之言而少軍事上之準備故也。英國海相，不謀於軍

事會議，令英法聯合艦隊於開戰未久之十一月三日，即砲擊達尼爾海峽，可謂失計。蓋土耳其同時將君士坦丁固守故也。一九一五年二月及三月，聯合艦隊捲土重來，再行攻擊，損害頗大。土耳其之彈藥亦盡，惜聯軍不再加力向前，突破海峽，而入瑪摩拉海（Sea of Marmara），收軍而西退也。協商二國僅以海軍爲攻擊主力，不知用陸軍，至四月，奧大利亞（Austria）及紐西蘭（New Zealand）之陸軍，始上陸攻擊，然已無及矣。德國士官極力防禦，將要塞完成，可稱難攻不落。英軍數十萬攻之，死傷者十二萬，病者十萬，然亦無功，約一年之久，英軍見無制勝之望，遂撤兵而去。

#### 四 美索不達米亞之遠征

英國遠征美索不達米亞之目的有二：（一）欲制土耳其運動回教徒擾亂印度，且杜絕波斯灣方面襲來之脅威；（二）欲破大歐策是也。於是英國一九一五年十一月八日，派兵一隊由印度出攻波斯海股，占領其福阿（Foa）港；半月後，又占領拔斯拉（Basra），後又遣大軍侵入美索不達米亞內地。此軍溯底格里斯河（Tigris R.）僅一百英里，爲土耳其軍所圍，一九一六年春遂投降，故翌年三月十一日，捲土重來，遂占領巴格達特。

德國夙取三B政策，連絡柏林及巴格達特間之鐵道，以建設鞏固之中央歐羅巴大國，而威脅印度埃及方面之英國利權。大戰勃興以來，對於此項作戰計劃，竭力圖其實現以冀早日屈服聯合側之英吉利，而促戰局之完結。故英國早慮及之，應德

方面之挑戰，於美索不達米亞方面，大施其活躍行動。

然底格里斯河傍 Kut-el-Amara 城於一九一六年春，被土耳其軍圍襲，困守百十三日；陷落以後，實爲東方英國勢力失墜之一大悲劇。蓋此失敗而無恢復之日，則埃及及印度之安全，實難保障。其影響於聯合方面之前途，亦非淺鮮。幸十七年三月，別組織一大規模之遠征軍，一舉而下 Kut-el-Amara，再進而拔巴格達特，加同盟方面一不可恢復之打擊，可謂不幸中之大幸者矣。

#### 第五節 布加利亞及希臘之向背

巴爾幹中立三國，其向背實與戰局有舉足輕重之勢，故交戰兩方面，咸希其加入，協商國則以爲布國之參戰，足以制土

耳其之死命。同盟方面，則以爲足以拔塞國之旗幟。而布政府，傾向兩方面者均有之。而最近戰事以來，傾向德奧者，較爲得勢；然是時之內閣，則聲明與向彼提供利益最大之國同盟，其對塞之復仇思想，日益增高。及加里波利攻擊失敗，則以爲協商國不足恃，日耳曼同盟，乘隙活躍。一九一五年七月二十一日，說土耳其割瑪利察河(R. Maritza)畔之地，以阿突利亞堡(Arrianople)至代特加起(Dedegatch)間之鐵道，全歸布國。協商國前已誘之以好餌，至是又欲以特殊利益誘之，然已無及矣。十月，布政府竟對塞宣戰與同盟國聯軍侵塞，二閱月滅之。一九一六年一月，更滅蒙國，協商國僅保塞之南端而已。一九一六年一月十七日，開始自柏林至君士坦丁之直通火車。

兩交戰團體之爭奪目的，其次爲希臘。希臘曾於一九一三年六月三日，與塞結約，及大戰勃發，以條約中之應援義務，非豫期歐戰，因宣言中立。聯軍最初砲擊達達尼爾時，協商國割讓除淮落拿（Valana）之南部阿爾巴尼亞，求希政府援塞。時希內閣懼布之攻擊，故求羅馬尼亞之援助，而羅不之應。一九一五年一月十二日，協商國向希臘求其於塞國受攻擊時出兵救援，事後當以小亞細亞海岸之重要地方爲報酬，希臘政府頗心動，不幸國論不一致，且國王娶德皇之妹，常欲袒德，故親協商之內閣，爲之瓦解。新內閣與協商國交涉再開，提出其領土保全，協商不能保障，故仍守中立。六月總選舉，前首相再得勝利。而在雅典之德人，死力煽動，故其政局頗不安定；及

布國舉兵，協商國以爲非用強力使希臘支持中立不可。十月五日，英法聯軍於薩洛尼加上陸，然其時國王甚不喜親協商派，卽免其職。雅典政權，又入親德派手中。

#### 第六節 羅馬尼亞之舉兵及其敗北

三十年來，羅馬尼亞與三國同盟所結之密約，爲『若與國不挑撥而受第三國攻擊時，則互有應援之義務。』其國王加洛爾爲德皇家支派，故對其鄉土自無反叛之心。大戰勃發，乃於加爾拍脫之一小村，召集元老大臣會議，以定對戰爭之態度；而所結之密約，亦正式披露。然集會諸名士，以爲戰爭非由俄國挑撥者，故羅馬尼亞無應援之義務，遂與意大利同於八月三日宣布中立。國內亦有親日耳曼同盟及親協商國二派，其國債



概由德國募集，德人設立之學校教會，到處皆有，故受日耳曼式的感化頗深。然參加同盟後所得之利益實屬鮮少。反之參加協商方面，則有奧國供其口腹，民間之親協商潮流，日見優勢者，職是故耳。

羅馬尼亞政府方面，則視戰爭之勝敗，而定其趨向。一九一五年，俄軍於加里西亞得勝時，即欲與之結好；及德軍大至，乃顧而媚德，及塞蒙二國失敗，又得與德奧訂結有利之通商條約，俄國憂之。蓋大羅馬尼亞有人口一千三百萬，其勢力足以與大日耳曼及大斯拉夫相頡頏。英法雖喜之，而俄實慮之。至一九一六年春夏之交，俄軍於羅境得勝時，羅之政府又傾向協商國，其最高統帥府，亦贊成參戰，故列強急與談判。八月

十八日與結政治上之條約及軍事規約，八月二十七日羅馬尼亞對二元帝國宣戰，即以兵入德蘭西耳伐尼亞（Transylvania），然此時俄軍之活動已停，聯軍正在凡爾登苦戰，故無應援者，不能當精銳之日耳曼同盟軍。十二月六日，首都被陷，失去其穀物之產地及油田所在地之大半。

迨一九一六年末，巴爾幹及亞細亞之形勢發展，大致如此。薩洛尼加雖入協商手，而塞爾維亞羅馬尼亞蒙的尼格羅，概歸滅亡。英軍之美索不達米亞遠征，亦歸失敗，故德國理想之大中歐政策，可謂實現。協商列國，於歐洲攻城野戰，約二年間，所得者僅亞爾薩斯一部及苛利起亞（Gorizia）而已。

歐洲小史上卷終

上海图书馆藏书



A541 212 0006 6174B

1590703

標商冊註

